

摘藻堂四庫全書薈要

經部

欽定四庫全書薈要

經部

左傳注疏卷二十一

詳校官原任侍講臣王燕緒




欽定四庫全書舊要卷一千一百三十六

經部

春秋左傳注疏卷二十

起文公十六年盡十八年

晉杜氏注 唐陸德明音義 孔穎達疏

經十有六年春季孫行父會齊侯于陽穀齊侯弗及盟
與也

夏五月公四不視朔注諸侯每月必告朔聽政因朝於廟今公以疾闕不得視二月三月四月五月朔也春秋十二公以疾不視朔非一也義無所取故特舉此以表

行事因明公之實有疾非詐齊疏

正義曰天子頒朔於諸侯諸侯受而藏之

於祖廟每月之朔以特羊告廟受而施行之遂聽治此月之政謂之視朔因其日又以朝享之禮祭皇考以下謂之朝廟此年公疾自二月至於五月已經四月不得視朔故書公四不視朔傳稱正月及齊平公有疾使季文子會齊侯則正月公初疾不得視二月朔至五月而四故知不得視二月三月四月五月朔也春秋十二公二百四十二年計有三千餘月公以疾不視朔當非一也餘皆不書而此獨書者公身有疾不得視朔國事不廢義無所取因此齊侯疑公故特舉此以表行事餘皆從可知也釋例曰魯之羣公以疾不視朔多矣因有事而見一此猶釋不朝正之義是其事也又於時齊侯不信公實有疾書此者且明公實有疾非詐齊也史之所書當書其始不於二月書之而以五月書者二月公始有疾未知來月瘳否不得豫書其數至六月公瘳乃

積前數之闕故以五月書四也昭二十三年公如晉至河有疾乃復彼書有疾此不言有疾者在道而還客有他故昭十二年十三年公如晉至河乃復皆為晉人辭公而還非為疾也故須書有疾以辯之公不視朔惟有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必廢也論語云子貢欲去告朔而廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年吉禘于莊公已譏其速文二年大事于大廟不復譏之當亦如彼之類不重譏也

六月戊辰公子遂及齊侯盟于鄆丘注信公疾且以賂

故鄆丘齊地音義

鄆音西又
七西反

秋八月辛未夫人姜氏薨注僖公夫人文公母也

毀泉臺注泉臺臺名毀壞之也音義
壞音怪

楚人秦人巴人滅庸音義
巴必麻反

冬十有一月宋人弑其君杵臼注稱君君無道也例在

宣四年音義
杵昌呂反
臼强柳反

傳十六年春王正月及齊平注齊前年再伐魯魯為

受弱故平音義
為于偽反公有疾使李文子會齊侯于陽

穀請盟齊侯不肯曰請俟君間注間疾瘳音義
間如字瘳

勅周反
差也

○夏五月公四不視朔疾也公使襄仲納賂

于齊侯故盟于鄆丘○有蛇自泉宮出入于國如先

君之數注伯禽至僖公十七君音義

伯禽至僖公十七君史記魯世

家魯公伯禽子考公首弟煬公熙子幽公宰弟魏公
潰子厲公推弟獻公具子真公濞弟武公敖子懿公
戲弟孝公稱子惠公弗皇子隱公息姑弟桓公允子
莊公同子閔公開兄僖公申十七也魏公世本作微
公真公一疏正義曰魯世家魯公伯禽子考公首弟
作慎公煬公熙子幽公宰弟魏公潰子厲公推
弟獻公具子真公濞弟武公敖子懿公戲弟孝公稱
子惠公弗皇子隱公息姑弟桓公允子莊公同子閔
公開兄僖公申周公不之魯
從魯公數之爲十七君也

秋八月辛未聲姜薨毀

泉臺注魯公以爲蛇妖所出而聲姜薨故壞之音義

壞音

疏

正義曰蛇自宮出而毀其臺則臺在宮內人

怪

見

從宮而出毀臺并毀其宮也注正義曰人

見蛇出而姜薨以爲臺是妖之穴仍謂此處有妖更將爲害毀之所以絕其源安民意也故釋例曰衆蛇自泉臺出如先君之數入於國聲姜之薨適與妖會而國以爲災遂毀泉臺書毀而不變文以示義曰君人之心一國之俗須此爲安故不譏也以不變文知不譏也不書蛇入國者鵬鵠非魯國之有故書其所無蛇是魯地所有姜薨不由此蛇凡物不爲災則不書也

○楚大饑戎伐其西南

至于阜山師于大林又伐其東南至于陽丘以侵訾

枝注戎山夷也大林陽丘訾枝皆楚邑音義

饑音飢
一音機

訾子疏

正義曰四夷之名隨方定稱則曰東夷西戎

斯反南蠻北狄其當處立名則各從方號故北戎

病燕齊侯伐山戎北方得有戎故楚西亦有戎

戎是山間之民夷為四方總號故云戎山夷也庸人

帥羣蠻以叛楚注庸今上庸縣屬楚之小國麋人率

百濮聚於選將伐楚注選楚地百濮夷也音義

麋九倫反

濮音卜選息充反又息戀反

疏

正義曰將欲伐楚聚於此地故知是楚地也牧誓武王伐紂有庸濮

從之孔安國云庸濮在江漢之南是濮為西南夷也

釋例曰建寧郡南有濮夷濮夷無君長總統各以邑

落自聚故稱百濮也下云

於是申息之北門不啓注

各走其邑是無君長統之

備中國疏

正義曰申息北接中國有寇比從北來故二邑北門不敢開也

楚人謀徙

於阪高注楚險地音義

阪音反一音扶板反

爲賈曰不可我能

往寇亦能往不如伐庸夫麋與百濮謂我饑不能師

故伐我也若我出師必懼而歸百濮離居將各走其

邑誰暇謀人乃出師旬有五日百濮乃罷注濮夷無

屯聚見難則散歸音義

爲于委反屯徒門反聚才住反又如字難乃旦反又如字

自廬以往振廩同食注往往伐庸也振發也廩倉也

同食上下無異饌也音義

廬力於反又音廬廩力甚反

次于句瀝

注楚西界地音義

句古侯反瀝市世反

使廬戢黎侵庸注戢黎

廬大夫及庸方城注方城庸地上庸縣東有方城亭

庸人逐之囚子揚憲注憲戢黎官屬音義

憲初江反

三宿

而逸曰庸師衆羣蠻聚焉不如復大師注還復句澁

師且起王卒合而後進師叔曰不可注師叔楚大夫

潘甌也音義

卒子忽反甌烏黃反

姑又與之遇以驕之彼驕我

怒而後可克先君蚡冒所以服陘隰也注蚡冒楚武

王父陘隰地名音義

可克或作可擊蚡扶粉反冒莫報反史記楚世家云蚡冒卒弟

熊達殺蚡冒子而代立是為楚武王與杜異陘音刑隘音習

疏

正義曰劉炫云按楚世家蚡冒卒弟

熊達殺蚡冒子而代立是為楚武王則蚡冒是兄不得為父今知不然者以世家之文多有紕繆與經傳異者非是一條杜氏非不見其文但見而不用耳劉以世家而規杜非也言服陘陘則陘陘本是他國蚡冒始服之也釋例陘陘與僖四年次于陘為一地潁川召陵縣南有陘亭楚自武王始居江漢之間則蚡冒之時未至中土不應已能越申息服潁川之邑疑非也又與之遇七遇皆北注

軍走曰北音義

北如字一音佩

唯裨鯨魚人實逐之注裨鯨

魚庸三邑魚魚復縣今巴東永安縣輕楚故但使三

邑人逐之音義

裨被支反鯨直留反

庸人曰楚不足與戰矣遂

不設備楚子乘驛會師于臨品注驛傳車也臨品地

名音義

驛人實反
傳丁戀反

疏

正義曰釋言云驛傳也舍人曰驛尊者之傳也郭璞曰傳車驛

馬之名也

分爲二隊注隊部也兩道攻之音義

隊徒對反注同

子

越自石溪子貝自仇以伐庸注子越鬪椒也石溪仇

入庸道音義

溪苦兮反本又作谿貝蒲蓋反今俗本多作員音云仇人慎反

秦人巴

人從楚師羣蠻從楚子盟注蠻見楚強故遂滅庸注

傳言楚有謀臣所以興○宋公子鮑禮於國人注鮑

昭公庶弟文公也音義

鮑布卯反

宋饑竭其粟而貸之年

自七十以上無不饋詒也時加羞珍異注羞進也音

義

上時掌反饋其媿反詒以支反又以志反遺也

無日不數於六卿之門注

數不疏音義

數音朔注同

國之材人無不事也注有賢材

者親自桓以下無不恤也注桓鮑之曾祖疏

正義曰禮於國

人總言接待之也竭其粟而貸與國之饑民也禮與人物曰饋詒遺也饋詒皆是與人物之名也民年七

十以上無有不饋詒以飲食也珍異謂非常美食蓋進也時加進珍異者謂四時初出珍異之物也無有

一日不數數於六卿之門言參請不絕也國之賢材之人無不事公子皆事之也其族親自桓公以下子

孫無不恤公子皆賑恤之也

公子鮑美而豔襄夫人欲通之注鮑

適祖母音義

豔以驗反適丁歷反

而不可注以禮自防閑乃助

之施昭公無道國人奉公子鮑以因夫人於是華元

爲右師注華元督曾孫代公子成音義

施式疏正義
歧反曰世

本云華督生世子家家生華
孫御事生華元右師是也

公孫友爲左師華耦爲

司馬注代公子卬鱗鱗爲司徒蕩意諸爲司城公子

朝爲司寇注代華御事音義

鱗古亂反
朝如字

初司城蕩卒

公孫壽辭司城注壽蕩之子請使意諸爲之注意諸

壽之子旣而告人曰君無道吾官近懼及焉注禍及

已棄官則族無所庇子身之貳也姑紓死焉注姑且

也紆緩也音義

庇必利反又悲位反紆音舒

雖亡子猶不亡族注

已在故也既夫人將使公田孟諸而殺之公知之盡以寶行蕩意諸曰盍適諸侯公曰不能其大夫至于

君祖母以及國人注君祖母諸侯祖母之稱謂襄夫

人音義

盍戶臘反稱尺證反

疏

正義曰襄十六年傳蒯賁告周云蒯賁得罪于君父君母謂母

爲君母則祖母爲君祖母矣故云君祖母者諸侯祖母之稱也昭公成公之子襄公之孫故襄夫人是其祖母也諸侯誰納我且既爲人君而又爲人臣不如死

盡以其寶賜左右而使行注行去也夫人使謂司城

去公對曰臣之而逃其難若後君何注言無以事後

君音義

難乃旦反

○冬十一月甲寅宋昭公將田孟諸未

至夫人王姬使帥甸攻而殺之注襄夫人周襄王姊

故稱王姬帥甸郊甸之帥音義

甸徒遍反

疏

正義曰周禮載師云以宅

田士田賈田任近郊之地以官田牛田賞田牧田任
遠郊之地以公邑之田任甸地以家邑之田任稍地
以小都之田任縣地以大都之田任疆地凡任地近
郊十一遠郊二十而三甸稍縣都皆無過十二彼從
國都而出計遠近節級而別為之名鄭玄引司馬法
王國百里為郊二百里為州甸三百里為野稍四百
里為縣五百里為都諸侯之與天子竟雖不同亦當
近國為郊郊外為甸天子之甸為公邑之田則諸侯

之甸亦公邑也帥甸者甸地之帥當是公邑之大夫也獨言帥甸無以相明故舉類言之云郊甸之帥其實正是甸地之帥非郊地之帥也蕩意諸死之注不書不告書曰宋

人弑其君杵臼君無道也注始例發於臣之罪今稱

國人故重明君罪音義

重直用反

疏

正義曰宣四年傳例曰凡弑君稱君若無

道也稱臣臣之罪也彼是弑君大例經下注云例在宣四年指彼例也彼雖在此之後乃是例之初始故謂彼為始例彼因歸生弑君而發傳例是始例發於臣之罪也此稱宋人弑其君文異於彼故重明君罪謂與彼例為重也釋例曰鄭靈

宋昭文異而例同重發以同之

文公即位使母弟須

為司城注代意諸華耦卒而使蕩虺為司馬注虺意

諸之弟音義

虺況
魁反

經十有七年春晉人衛人陳人鄭人伐宋注自閔僖以下終於春秋陳侯常在衛侯上今大夫會在衛下傳不

言陳公孫寧後至則寧位非上卿故也疏

正義曰釋例班序譜自隱

至莊十四年四十三歲衛與陳凡四會衛在陳上莊十五年盡僖十七年三十五歲凡八會陳在衛上莊十六年幽盟之下注云齊桓始霸楚亦始彊陳侯介於二大國之間而為三恪之客故齊桓因而進之遂班在衛上終於春秋但齊桓升陳於衛上乃在莊之中年不得以莊為始故云自閔僖以下終於春秋陳侯常在衛上也今此大夫會伐宋貶之稱人而陳在衛下襄二十六年澶淵之會傳稱宋向戌後至退在鄭良霄之下此傳其

歷序大夫之名不言公孫寧以後至被退成三年傳曰次國之上卿當大國之中中當其下下當其上大夫彼言大夫位有尊卑次序以之升降則公孫寧位非上卿故降在衛下也檢春秋上下亦有後至無傳而杜云後至者則泰小子慙是也案彼則公孫寧未必非後至但杜弘通兩解故云非上卿耳

夏四月癸亥葬我小君聲姜

齊侯伐我西鄙注西當為北蓋經誤音義

西當為北出注疏正義

曰經言西鄙傳言北鄙服虔以為再來伐魯西鄙書北鄙不書諱仍見伐按經十五年秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯

求與平即盟於穀穀是濟北穀城縣也穀在魯北知北鄙是也

六月癸未公及齊侯盟

于穀

諸侯會于扈注昭公雖以無道見弑而文公猶宜以弑

君受討故林父伐宋以失所稱人晉侯平宋以無功不

序明君雖不君臣不可不臣所以督大教音義

弑本或作殺音

試下疏

正義曰弑君稱君君之罪者欲以懲創人君使為鑒戒不書弑者之名以見君亦合死其君雖

則合死要非臣所得弑故文公宜以弑君受討林父稱人諸侯不序責死者罪弑者所以督大教大教謂尊君

卑臣之

教也

秋公至自穀注無傳

冬公子遂如齊

傳十七年春晉荀林父衛孔達陳公孫寧鄭石楚伐宋討曰何故弑君猶立文公而還卿不書失其所也

注卿不書謂稱人○夏四月癸亥葬聲姜有齊難是

以緩注過五月之例音義

難乃旦反下及注皆同

○齊侯伐我

北鄙襄仲請盟六月盟于穀注晉不能救魯故請服

○晉侯蒐于黃父注一名黑壤晉地音義

父音甫壤如丈反

遂復合諸侯于扈平宋也注傳不列諸國而言復合

則如上十五年會扈之諸侯可知也音義

復扶又反注同

公

不與會齊難故也書曰諸侯無功也注刺欲平宋而

復不能音義

與音預

於是晉侯不見鄭伯以爲貳於楚

也鄭子家使執訊而與之書以告趙宣子注執訊通

訊問之官爲書與宣子音義

訊音信

疏

正義曰使執訊使之行適晉也

與之書與此執訊書今持以告宣子

曰寡君即位三年注魯文二年召

蔡侯而與之事君九月蔡侯入于敝邑以行注行朝

晉也敝邑以侯宣多之難寡君是以不得與蔡侯偕

注宣多既立穆公恃寵專權

音義

偕音皆

十一月克減

侯宣多而隨蔡侯以朝于執事注減損也難未盡而

行言汲汲于朝

音義

汲音急

十二年六月歸生佐寡

君之嫡夷注歸生子家名夷太子名

音義

嫡丁厯反

以請

陳侯于楚而朝諸君注請陳于楚與俱朝晉十四年

七月寡君又朝以藏陳事注藏勅也勅成前好音義

藏勅展反勅也前好

疏

正義曰藏之為勅無正訓也先儒相傳為然賈服皆云藏

呼報反一本作事

也勅十五年五月陳侯自敝邑往朝于君往年正月燭

之武往朝夷也注將夷往晉朝八月寡君又往朝以

陳蔡之密邇於楚而不敢貳焉則敝邑之故也注密

邇比近也音義

比毗志反

雖敝邑之事君何以不免注免

免罪也在位之中一朝于襄注襄公音義

朝直遶反

而再

見于君注君靈公也音義

見賢遍反

疏

正義曰鄭穆公以僖三十三年即位

以

晉襄公以文公六年卒一朝于襄三年十一月也再見于君十四年七月往年八月也或者十四年七月寡君又朝勅成陳事再見于君謂往年正月寡君又朝是也

夷與孤之

二三臣相及於絳注孤之二三臣謂燭之武歸生自

謂也絳晉國都疏

正義曰禮諸侯與臣民言自謂寡人小國之君自稱曰孤臣與他國

之人言稱已君為寡君此歸生對晉稱已君當云寡君之二三臣昭十九年子產對晉人云寡君之二三臣札瘥天昏是其事也此言孤者蓋鄭伯身自對晉或自稱孤歸生因即以孤言其君也雖我小

國則蔑以過之矣今大國曰爾未逞吾志敝邑有亡

無以加焉古人有言曰畏首畏尾身其餘幾注言首

尾有畏則身中不畏者少音義

幾居豈反

又曰鹿死不擇

音注音所蓀蔭之處古字聲同皆相假借音義

蓀虛求反

蔭於疏正義曰釋言云庇蔭也舍人曰庇蔽也蔭
鳩反疏依止也郭璞曰今俗呼樹蔭為蔭杜意言本

當作蔭古字聲同皆相假借故傳作音言鹿死不擇
庇蔭之處喻已不擇所從之國欲復楚也服虔云鹿
得美草呦呦相呼至於困迫將死不暇復擇善音急
之至也劉炫從服說以為音聲謂不擇音聲而出之
難杜今知不然者以傳云鋌而走險急何能擇言走
險論其依止之處以其怖急得險則停不能選擇寬
靜蔭之所傳文所論止言其出處所在不論音小
聲好惡故杜不依服義劉以為音聲而規杜非也

國之事大國也德則其人也注以德加已則以人道

相事不德則其鹿也鋌而走險急何能擇注鋌疾走

貌言急則欲蔭庇於楚如鹿赴險音義

鋌他頃反庇必利反又悲

位反本疏

正義曰鋋文連走故為疾走貌

命之罔極亦知亡矣注言

晉命無極將悉赦賦以待於儵唯執事命之注儵晉

鄭之竟言欲以兵距晉音義

儵直留反竟音境

文公二年六

月壬申朝于齊注鄭文二年六月壬申魯莊二十三

年六月二十四日四年二月壬戌為齊侵蔡注魯莊

二十五年二月無壬戌壬戌三月二十日音義

為于偽反

亦獲成於楚注鄭與楚成居大國之間而從於強令

豈其罪也注令號令也大國若不圖無所逃命晉鞏

朔行成於鄭趙穿公壻池爲質焉注趙穿卿也公壻

池晉侯女壻音義

鞏九勇反質音致下同

○秋周甘歆敗戎于

邲垂乘其飲酒也注歆周大夫邲垂周地河南新城

縣北有垂亭爲成元年晉侯平戎于王張本音義

歆昌

欲反邲於審反

○冬十月鄭太子夷石楚爲質于晉注夷靈

公也石楚鄭大夫○襄仲如齊拜穀之盟復曰臣聞

齊人將食魯之麥以臣觀之將不能齊君之語儉臧

文仲有言曰民主偷必死注偷猶苟且音義

偷他侯反

經十有八年春王二月丁丑公薨于臺下

秦伯瑩卒注無傳未同盟而赴以名音義

瑩於耕反

夏五月戊戌齊人弑其君商人注不稱盜罪商人疏

正義

曰弑君稱臣臣之罪賤臣弑君則稱盜哀四年盜殺蔡侯申是也盜字當臣名之處以賤不得書名變文謂之盜耳此弑商人者邴黻閭職亦應書盜不稱盜弑者罪商人今從弑君稱君之例也

六月癸酉葬我君文公

秋公子遂叔孫得臣如齊注書二卿以兩事行非相爲

介音義

介音界

疏

正義曰卿為卿介則書使不書介僖二十六年公子遂臧孫辰如楚乞師書遂

不書辰是其正也襄十四年季孫宿叔老並書之者晉人敬之自爾以後晉人輕魯幣而益敬其使故特兩書之於法不應書也此傳稱惠公立故且拜葬是以兩事行非相為介故並書之耳定六年季孫斯仲孫何忌如晉傳稱桓子獻鄭俘孟孫報夫人之幣亦以兩事行故並書之但彼非是同時受命經應各自為文但以晉人輕之故不覺自別書與此意少異也

冬十月子卒注先君既葬不稱君者魯人諱弑以未成

君書之子在喪之稱音義

弑申志反本又作殺之稱尺證反

疏

正義曰齊公子

商人弑其君舍以先君既葬故稱君也此亦先君既葬不稱君者魯人諱弑成君以未成君書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲遂倚齊而弑

之國以為諱故不稱
君若言君之子也

夫人姜氏歸于齊

季孫行父如齊注無傳

莒弑其君庶其注稱君君無道也疏

正義曰楚世子商臣弑君言世子此

傳稱太子僕因國人以弑紀公不稱世子而稱君者以見君無道傳言多行無禮於國是其無道之狀十六年宋人弑其君杵臼稱國又稱人此直云莒弑其君庶其不稱人者釋例曰劉賈許穎以為君惡及國朝則稱國以弑君惡及國人則稱人以弑按傳鄭靈宋昭經文異而例同故重發以同之子弑其父又嫌異於他臣亦重明其不異既不辟辯國之與人而傳云莒紀公多行無禮於國太子僕因國人以弑之經但稱國不稱人知國

之與人雖言
別而事同也

傳十八年春齊侯戒師期注將以伐魯而有疾醫曰
不及秋將死公聞之卜曰尚無及期注尚庶幾也欲

令先師期死音義

令力呈反先
悉薦反下同

惠伯令龜注以卜事

告龜疏

正義曰周禮大卜大祭祀則眡高命龜鄭玄
云命龜告龜以所卜之事士喪禮卜葬命龜

云哀子某來日某卜葬其父某甫考降無有近悔如
此之類是令龜之辭也令者告令使知其意與命同

也卜楚丘占之曰齊侯不及期非疾也君亦不聞注

言君先齊侯終令龜有咎注言令龜者亦有凶咎見

於卜兆爲惠伯死張本音義

見賢通反

二月丁丑公薨○

齊懿公之爲公子也與邴歆之父爭田弗勝及即位

乃掘而刖之注斷其尸足音義

邴音丙又彼病反歆昌欲反掘其勿反又

其月反刖音月又五刮反斷丁管反

而使歆僕注僕御也納閭職之妻

而使職驂乘注驂乘陪乘音義

驂七南反乘繩證反注同

夏五月

公游于申池注齊南城西門名申門齊城無池唯此

門左右有池疑此則是二人浴于池歆以扑扶職注

扑簋也扶擊也欲以相感激音義

扑普卜反字宜從手作木邊非也扶

勅乙反筭市藥反又職怒歎曰人奪女妻而不怒一
之藥反激古歷反

扶女庸何傷職曰與刖其父而弗能病者何如注言

不以父刖爲病恨音義

女音汝

乃謀弑懿公納諸竹中

歸舍爵而行注飲酒訖乃去言齊人惡懿公二人無

所畏音義

舍音赦置也惡烏路反

齊人立公子元注桓公子惠

公○六月葬文公○秋襄仲莊叔如齊惠公立故且

拜葬也注襄仲賀惠公立莊叔謝齊來會葬○文公

二妃敬嬴生宣公敬嬴嬖而私事襄仲宣公長而屬

諸襄仲襄仲欲立之叔仲不可注叔仲惠伯音義

音羸

盈屢必計反長丁丈反屬音燭

仲見于齊侯而請之齊侯新立而欲

親魯許之音義

見賢遍反

疏正義曰惡是齊甥齊侯許廢

恩宣以非分得國荷恩必厚齊侯新立欲親魯為援故許之

○冬十月仲殺惡及

視而立宣公注惡大子視其母弟殺視不書賤之書

曰子卒諱之也仲以君命召惠伯注詐以子惡命疏

正義曰傳因殺惡之下即云而立宣公其實宣公之立當在惠伯死後惡雖已死未告外人故詐以子惡之命召惠伯使入公冉務人疑其宮內有變謂非其子惡之命故入必死云耳亦未是審知惡已死也其

宰公冉務人止之曰入必死叔仲曰死君命可也公冉務人曰若君命可死非君命何聽弗聽乃入殺而埋之馬矢之中注惠伯死不書者史畏襄仲不敢書

殺惠伯音義

聽吐定反

公冉務人奉其帑以奔蔡既而復

叔仲氏注不絕其後○夫人姜氏歸于齊大歸也注

惡視之母出姜也嫌與有罪出者異故復發傳音義

又復扶反將行哭而過市曰天乎仲爲不道殺適立庶市

人皆哭魯人謂之哀姜注所謂出姜不允於魯音義

過古禾反又古
臥反適丁歷反

○莒紀公生大子僕又生季佗愛季

佗而黜僕且多行無禮於國注紀號也莒夷無諡故

有別號音義

佗徒何反

僕因國人以弑紀公以其寶玉來

奔納諸宣公公命與之邑曰今日必授季文子使司

寇出諸竟曰今日必達注未見公而文子出之故來

不書音義

竟音境

公問其故季文子使大史克對曰先

大夫臧文仲教行父事君之禮行父奉以周旋弗敢
失隊曰見有禮於其君者事之如孝子之養父母也

見無禮於其君者誅之如鷹鷂之逐鳥雀也音義

大史

音泰隊直類反養餘亮反鷹於陵反疏正義曰釋鳥

鷂之然反說文止仙反字林已仙反云鷹來鳩郭

璞曰來當為爽字之誤耳左傳作爽鳩是也又云晨

風鷂舍人曰晨風名鷂鷂鷲鳥名郭璞曰鷂屬也

先君周公制周禮曰則以觀德注則法也合法則爲

吉德德以處事注處猶制也事以度功注度量也音

義

度待洛反注及下同

功以食民注食養也音義

食音嗣注同

作誓

命曰毀則爲賊注誓要信也毀則壞法也音義

壞音怪

掩賊爲藏注掩匿也音義

匿女乙反

竊賄爲盜注賄財也

盜器為姦注器國用也主藏之名注以掩賊為名賴姦之用注用姦器也為大凶德有常無赦注刑有常

在九刑不忘注誓命以下皆九刑之書九刑之書今

亡疏

正義曰言制周禮曰作誓命曰謂制禮之時有此語為此誓耳此非周禮之文亦無誓命之書

在後作九刑者記其誓命之言著於九刑之書耳德者得也自得於心心之所得有惡有善欲知善惡以法觀之合法則為吉德不合法則為凶德故曰則以觀德也既有善德乃能制斷事宜故曰德以處事也既為其事務求成功度量功勲必功成乃善故曰事以度功也民不自治立君牧養作事成功所以養食下民故曰功以食民也其意言在上位者必有法則乃為養民之主將言莒僕無可法則故言此以張本

也又作要信誓命以戒後人曰有人毀法則者是爲
賊言其賊敗法也掩匿賊人是爲藏言其藏罪人也
竊人財賄謂之爲盜盜人器用謂之爲姦主爲藏匿
罪人之名恃賴姦人所盜之用爲極大之凶德有常
刑無赦其事在九刑之書不遺忘也以宣公容納莒
僕為主藏受其寶玉爲賴姦故舉此以極諫也注正
義曰昭六年傳曰夏有亂政而作禹刑商有亂政而
作湯刑周有亂政而作九刑三辟之興皆叔世也叔
世謂衰世世衰民慢作嚴刑以督之稱其創制聖王
以爲所作之法夏作禹刑商作湯刑則周作九刑作
周公之刑也此云周公作誓命其事在九刑知自誓
命以下皆九刑之書所載也謂之九刑必其諸法有
九而九刑之書今亡不知九者何謂服虔云正刑一
議刑八即引小司寇八議議親故賢能功貴勤賓之
辟此八議者載於司寇之章周公已制之矣後世更
作何所復加但所議八等之人就其所犯正刑議其

可赦以否八者所議其刑一也安得謂之八刑杜知其不可故不解之行父還觀莒僕

莫可則也注還猶周旋音義

還音旋

孝敬忠信爲吉德

盜賊藏姦爲凶德夫莒僕則其孝敬則弑君父矣則其忠信則竊寶玉矣其人則盜賊也其器則姦兆也注兆域也保而利之則主藏也以訓則昏民無則焉不度于善注度居也而皆在于凶德是以去之昔高陽氏有才子八人注高陽帝顓頊之號八人其苗裔

音義

去起莒反顓音專頊許玉反裔以制反

疏

正義曰先儒舊說及譙周古史考皆以顓頊帝

嘗為帝之身號高陽高辛皆國氏土地之號高陽次少昊高辛次高陽堯承高辛之後孔子之錄尚書自堯為始史籍之說皇帝其言不經大戴禮五帝德司馬遷五帝紀皆言顓頊帝嚳代別一人春秋緯命歷序顓頊傳九世帝嚳傳八世典籍散亡無以取信要二帝子孫至舜時始用必非帝之親子共八人者不能知其出生本系枝派遠近故畧言其苗裔耳

蒼舒隤斨檮戴大臨危降庭

堅仲容叔達注此即垂盆禹臯陶之倫庭堅即臯陶

字音義

隤徒回反斨五才反一音五回反韋昭音瑰檮直由反韋昭音桃戴以善反漢書作戴韋

昭以震反危莫江反降下江反陶音遙

疏

正義曰司馬遷采帝系世本以為史記其夏本紀稱禹是

顓頊之後秦本紀稱臯陶是顓頊之後伯益則臯陶之子垂之所出史無其文舊說相傳亦出顓頊故云

此即垂益禹臯陶之倫也服虔云八人禹垂之屬也
五年傳臧文仲問六與蓼臧云臯陶庭堅不祀忽諸
知庭堅臯陶為一人其餘則不知誰為禹誰為益故
云之倫之屬不敢斥言也班固漢書有古今人表銓
量古人為九等之次雖知禹益必在八愷稷契必在
八元不能識知其人不得自相分配故八元八愷與
臯陶禹稷並不出其名亦為不知故也鄭玄注論語
云臯陶為士師號曰庭堅杜云庭堅臯陶字者古人
名之與字難得審知言
字者明其是一人也

齊聖廣淵明允篤誠天下之

民謂之八愷注齊中也淵深也允信也篤厚也愷和

也音義

愷開
在反
疏正義曰此并序八人總言其德或原
其心或據其行一字為一事其義亦

更相通齊者中也率心由道舉措皆中也聖者通也
博達衆務庶事盡通也廣者寬也器宇宏大度量寬

宏也淵者深也知能周備思慮深遠也明者達也曉
解事務照見幽微也允者信也終始不愆言行相副
也篤者厚也志性良謹交游款密也誠者實也秉心
純直布行貞實也以其德行如是天下之民為其美
目謂之八愷愷和也言其和於物也孟子曰柳下惠
聖之和者也注正義曰齊中釋言文允信篤厚釋詁
文愷訓為樂樂亦和也深
水謂之淵故淵為深也

高辛氏有才子八人注高

辛帝嚳之號八人亦其苗裔音義

嚳苦毒反

伯奮仲堪叔

獻季仲伯虎仲熊叔豹季貍注此即稷契朱虎熊羆

之倫音義

奮甫問反熊音雄貍力之反契息列疏正義反依字當作僕古文作高羅彼皮反

曰契後為殷稷後為周史記殷周皆為帝嚳之後也此言伯虎仲熊尚書有朱虎熊羆二者其字相類知

此即稷契朱虎熊羆之倫也尚書更有夔龍之徒亦應有在元愷之內者但更無明證名字又殊不知與誰為一故不復言之史記稷契皆為帝嚳之子而上句注云其苗裔者史記堯亦帝嚳之子則稷契堯之親弟以堯之聖有大德之弟久而不知舜始舉用以情而測理必不然且云世濟其美其間必應累世不容高辛之下即至其身馬遷傳聞於人未必盡得其實世族譜取史記之說又從而譏之云按蘇則舜之五世從祖父也而及舜共為堯臣堯則舜之三從高祖而妻其女此史記之疑者然則以其不可悉信故言苗裔

忠肅共懿宣慈惠和天下之民謂之八元注以該之

肅敬也懿美也宣徧也元善也音義

徧音

疏

正義曰此亦總

言其德於義亦得相通忠者與人無隱盡心奉上也肅者敬也應機敏達臨事恪勤也共者治身克謹當

官理治也懿者美也保已精粹立行純厚也宣者徧也應受多方知思周徧也慈者愛出于心思被于物也惠者性多哀矜好拯窮匱也和者體度寬簡物無乖爭也以其德行如是天下之民爲其美目謂之八元元善也言其善於事也論語曰善人爲邦百年亦可以勝殘去殺矣注正義曰肅敬釋訓文懿美釋詁文宣徧釋言文易文此十六族也世濟其美不隕其言曰元者善之長也

名注濟成也隕隊也音義

隕于敏反疏正義曰此十隊直類反六人耳而謂

之族者以其各有親屬故稱族也世濟其美後世承前世之美不隕其名不隊前世之美名言其世有賢人積善而至其身也劉炫云以至於堯堯不能舉舜各有大功皆賜氏族故稱族

臣堯舉八愷使主后土注后土地官禹作司空平水

土即主地之官疏

正義曰后訓君也天稱皇天故地稱后土舜典云伯禹作司空呂刑

云禹平水土則禹是主地之官故云主后土也

以揆百事莫不時序地平天

成注揆度也成亦平也音義

揆葵癸反疏

正義曰用禹爲主后土之官令

以揆度百事百事無不揆度於是皆有次序得地平其化天成其施言有成功也注正義曰揆度釋言文
度百事者令之豫自籌度爲之數量法制事成則平其可否使之總衆務也地平天成大禹謨之文孔安
國云水土治曰平五行叙曰成釋詁云成平也是成亦爲平其義一也

舉八元使布五

教于四方注契作司徒五教在寬故知契在八元之

中音義

契斯列反疏 正義曰舜典云帝曰契百姓不親五品不遜汝作司徒敬敷五教在寬尚

書契數五教此云舉八元使布五教以此故知契在八元中也然則尚書禹作司空此云舉八愷使主后土以此亦知禹在八愷中也但不知八愷之中何者是禹八元之中何者是契矣主后土布五教是事之大者故舉以爲言非是各令八人共主一事故主土唯禹主教唯契餘當別有所主或助而爲之尚書稱益佐禹治水是其助之事也

父義母慈兄友弟共子孝內平外成

注內諸夏外夷狄音義

夏戶雅反疏正義曰一家之內父母兄弟子尊卑有五

品父不義母不慈兄不友弟不共子不孝是五品不遜順也故使契爲司徒布五教於四方教父以義教母以慈教兄以友教弟以共教子以孝是之謂五教此五教可常行又謂之五典也諸夏夷狄皆從其教是爲內平外成所云五典克從即此內平外成之謂也

昔帝鴻氏有不才子注

帝鴻黃帝掩義隱賊好行凶德醜類惡物頑嚚不友

是與比周注醜亦惡也比近也周密也音義

好呼報反嚚魚

中反心不則德義之經為頑口疏正義曰醜亦惡也不道忠信之言為嚚比毗志反物亦類也指謂惡人等輩重復而言之耳比是相近也周是親密也唯是親愛之義非為善惡之名論語云君子周而不比小人比而不周以君子小久相對故鄭玄云忠信為周阿黨為比觀文為說也天下之民謂

之渾敦注謂驩渾敦不開通之貌音義

渾戶本反敦徒本反

驩呼端反疏正義曰掩蓋義事而不行隱蔽其外而兜都侯反陰為賊害也其有凶醜之類穢惡之物心頑而不則德義之經口嚚而不道忠信之言如此惡人不可與之親友者此不才子於是與之相附近

相親密言惡人所愛愛同已者也以其爲惡如是故
天下之民爲之惡目謂之渾敦渾敦不開通之貌言
其無所知也服虔曰山海經以爲驩兜人面馬喙渾
敦亦爲獸名注正義曰此傳所言說虞書之事彼云
四罪爲共工驩兜三苗鯀也此傳四凶乃謂之渾敦
窮奇檮杌饕餮檢其事以識其人堯典帝言共工之
行云靖言庸違傳說窮奇之惡云靖諧庸回二文正
同知窮奇是共工也堯典帝求賢人驩兜舉共工應
帝是與共工相比傳說渾敦之惡云醜類惡物是與
比周知渾敦是驩兜也堯典帝言鯀行云咈哉方命
圯族傳說檮杌之罪云告頑舍嚚傲狠明德即是咈
戾圯族之狀且鯀是顓頊之後知檮杌是鯀也尚書
無三苗罪狀既甄去三凶自然饕餮是三苗矣先儒
盡然蓋無異說皆以行狀驗而知之也莊子稱南方
之神其名為倮北方之神其名為忽中央之神其名
爲混沌混沌無七竅倮忽爲鑿之一日爲一竅七日

而混沌死混沌與渾敦字之異耳莊子雖則寓言要以無竅為混沌是渾敦為不開通之貌此四凶者渾敦檮杌以狀貌為之名窮奇饕餮以義理為之名古人之意自異耳服虔案神異經云檮杌狀似虎毫長二尺人面虎足猪牙尾長丈八尺能鬪不
退饕餮獸名身如牛人面目在腋下食人少皞氏有

不才子注少皞金天氏之號次黃帝音義

少詩照反注同皞胡

老疏

正義曰金天國號少皞身號譙周云金天氏能反修大皞之法故曰少皞也其次黃帝則昭十七

年傳有其事

毀信廢忠崇飾惡言靖譖庸回服讒菟慝以

誣盛德注崇聚也靖安也庸用也回邪也服行也菟

隱也慝惡也盛德賢人也音義

菟所留反慝他得反邪似嗟反疏正義

曰毀信者謂信不足行毀壞之也廢忠者謂忠為無益廢棄之也以惡言為善尊崇修飾之安於讒譖信用回邪常行讒疾陰隱為惡以誣罔盛德之賢人也天下之民謂之窮奇言其行窮困所好奇異也注正義曰釋詁云崇充也舍人曰威大充盛大亦集聚之義故崇為聚也庸用靖安回邪惡惡常訓也服從是奉行之義也蒐索隱伏是蒐得為隱也服虔亦以蒐為隱隱惡謂陰隱為惡也成德謂成就之德故為賢人也定本成天下之民謂之窮奇注謂共工其行窮德為盛德

其好奇音義

奇其宜反共音恭行下孟反好呼報反

疏

正義曰孔安國云共工官稱也

其人為此官故尚書舉其官也行惡終必窮故云其行窮也好惡言好讒惡是所好奇異於人也

顓

頊有不才子不可教訓不知話言注話善也音義

戶話

反快告之則頑注德義不入心舍之則囂注不道忠信

音義

舍音救

傲狠明德以亂天常天下之民謂之擣机

注謂鯀擣机頑凶無儔匹之貌音義

傲五報反狠戶壑反擣徒刀反

机五忽反
鯀古本反

此三族也世濟其凶增其惡名以至于堯

堯不能去注方以宣公比堯行父比舜故言堯亦不

能去須賢臣而除之音義

去起呂反注及下皆同

疏

正義曰宣公不能去

莒僕而行父能去之恐宣公以不去之為恥行父以去之為專史克方以宣公比堯行父比舜故言堯朝有四凶堯亦不能去須賢臣而除之所以雪宣公不去之恥解行父專擅之失也然則聖主莫過於堯任

賢王政所急大聖之朝不才總萃雖曰帝其難之且復何其甚也此四山之人才實中品雖行有不善未有大惡故能仕於聖世致仕大官自非聖舜登庸大禹致力則滔天之害未或可平以舜禹之成功見此徒之多罪勲業既謝愆釁自生為聖所誅其咎益大且虞史欲盛章舜德歸罪惡於前人史克以宣公比堯同四凶於呂僕此等並非下愚未有大惡其為不善唯帝所知尚書將言求舜以見帝之知人此傳安慰宣公故言堯不能去辭各有為情頗縉雲氏有不能甚學者當以意達文不可即以為實

才子注縉雲黃帝時官名疏

正義曰昭十七年傳稱黃帝以雲名官故知縉

雲黃帝時官名字書縉赤縉也服虔云夏官為縉雲氏

貪于飲食冒于貨賄侵

欲崇侈不可盈厭聚斂積實不知紀極不分孤寡不

恤窮匱注冒亦貪也盈滿也實財也音義

厭於豔反
匱其媿反

疏

正義曰鄭注周禮云金玉曰貨布帛曰賄

天下之民以比三凶注非帝

王子孫故別以比三凶謂之饗饗注貪財為饗貪食

為饗音義

饗他刀反疏正義曰此無正文先
餐他結反儒賈服等相傳為然

舜臣堯

注為堯臣疏

正義曰昭七年傳稱王臣公公臣大夫
謂王以公為臣公以大夫為臣皆是上

臣下也而此云舜臣堯謂為臣以事堯乃是下
臣上也文同義異意足相顧故辯之云為堯臣

賓于

四門注闢四門達四聰以賓禮衆賢音義

闢婢亦反
聰本亦作

憲七疏正義曰賓于四門是禮賢之事而舜典下文
工反云闢四門明四目達四聰言開闢四方之門

未開者廣視聽於四方使天下無壅塞亦是賓禮衆賢之事意同於上故引以解之

流四凶族

注案四凶罪狀而流放之渾敦窮竒檮杌饕餮投諸

四裔以禦螭魅注投棄也裔遠也放之四遠使當螭

魅之災螭魅山林異氣所生爲人害者音義

禦魚呂反螭勅

知反山神獸形魅亡備反說文

疏正義曰投者擲去

作魅云老精物也魅或從未

故爲棄也舜典云

流共工于幽州放驩兜于崇山竄三苗于三危殛鯀

于羽山四罪而天下咸服孔安國云幽州北裔崇山

南裔三危西裔羽山東裔在海中是放之四方之遠

處螭魅若欲害人則使此四者當彼螭魅之災令代

善人受害也宣三年傳王孫滿說九鼎云鑄鼎象物

百物而爲之備民入川澤山林不逢不若魑魅罔兩

莫能逢之知螭魅是山林異氣所生爲人害者也

是以堯崩而天下如同一同

心戴舜以爲天子以其舉十六相去四凶也故虞書

數舜之功曰慎徽五典五典克從無違教也注徽美

也典常也此八元之功音義

戴多代反相息亮反下注同去起呂反數色主

反徽許歸反

曰納于百揆百揆時序無廢事也注此八愷

之功曰賓于四門四門穆穆無凶人也注流四凶疏

正義曰此虞書舜典之篇也三事六句舜典本文其云無違教也無廢事也無凶人也

是史克解虞書之意也

每引一事以一句解之故每事言曰

舜有大功二十而爲天子注舉

十六相去四凶也今行父雖未獲一吉人去一凶矣
於舜之功二十之一也庶幾免於戾乎注史克激稱

以辯宣公之惑釋行父之志故其言美惡有過辭蓋

事宜也音義

激吉
歷反

疏

正義曰宣公貪寶玉而受莒僕
為惑已大行父違君命而逐出

之其專已甚故史克激揚而言舜之事堯以辯宣公
之惑以解行父之志方欲盛談善惡說事必當增甚
故其言美惡有太過之辭言美則大美言惡則大惡
禹則鯀之子也說禹則云世濟其美言鯀則云世濟
其凶明其餘亦有大過非其實也蓋事勢宜然耳何
休以為孔子云蕩蕩乎堯之為君唯天為大唯堯則
之今如左氏堯在位數十年久抑元愷而不能舉養
育凶人以為民害而不能去則孔子稱堯虛言也桀

紂為惡一世則誅四凶歷數十歲而無誅放易云積不善之家必餘殃虛言也左氏為短但堯之為君能舉十六相去四凶四凶之人未必世濟其惡但史克欲明行父之志欲辨宣公之感故美惡過辭具於此注何休之難不足疑也○宋武氏之族道昭公子將奉司城須

以作亂注文公弑昭公故武族欲因其子以作亂司

城須文公弟音義

宋武氏之族本或作武穆之族者後人取下文妄加也道音導十

二月宋公殺母弟須及昭公子使戴莊桓之族攻武

氏於司馬子伯之館注戴族華樂也莊族公孫師也

桓族向魚鱗蕩也司馬子伯華耦也音義

向舒亮反遂出

武穆之族注穆族黨於武氏故使公孫師為司城注
公孫師莊公之孫公子朝卒使樂呂為司寇以靖國
人注樂呂戴公之曾孫為宣三年宋師為曹傳疏
正義
曰世本云戴公生樂甫術術生碩甫澤澤
生夷甫須須生大司寇呂今云曾孫誤也

春秋左傳注疏卷二十

春秋左傳注疏卷二十考證

公四不視朔注因明公之實有疾非詐齊○趙汙補注
曰公疾不視朔必書史所以重君疾重國政雖託疾
亦書史無訐君以為直之義傳釋公四不視朔曰疾
也乃據史法言之然經既削其真有疾者則此為託
疾亦可知矣左氏知史而不知經後儒又不知經本
出于史此筆削之義所以失傳臣浩按公之疾真偽
所不可知然不告朔遂起于此亦所以志禮之始失

也

傳有蛇自泉宮出音義魯公伯禽云云○臣召南按此

據史記魯世家也世家魯公伯禽子考公首弟煬公
熙子幽公宰弟魏公潰子厲公擢弟獻公具子真公
湏弟武公敖子懿公戲監本及別本多訛字如魏公
潰作費厲公擢作躍弟獻公具作子鄭公具懿公戲
作獻今依史記改正又疏引世家內字亦多訛如考
公作耆公幽公宰作圉魏公作徽公真公作順公今

並依史記正之

傳姑又與之遇以驕之疏蚡冒卒弟熊達殺蚡冒子而
代立○臣浩按史記熊達作熊通

傳夫人使謂司城去公○趙汭補注曰傳序六卿于上
而夫人但使司城去公則餘五人皆鮑之黨也

傳書曰宋人注一段○劉敞曰如傳所說則公子鮑爲
不臣襄夫人爲不母而昭公未有無道之實也傳曰
君雖不君臣不可以不臣不得輕此兩人之罪反專

惡於宋公趙汭補注曰當時列國皆政出大夫其士民知有大夫而不知有君謂晉趙盾為良大夫謂宋昭公為無道皆弑君者子孫設辭以分惡殺恥左氏不能辨遂援以釋經且立以為例誤矣

傳華耦卒而使蕩虺為司馬○趙汭補注曰傳見惟殺蕩意諸右師以下皆在位

傳夷與孤之二三臣相及于絳疏昭十九年子產對晉人云○監本脫年字今添

子卒注以未成君書之○臣召南按不書名而單書子

此正成其為君也書卒固是諱辭書子則大義自正
傳仲殺惡及視而立宣公注殺視不書賤之○臣召南

按杜說無理經既諱惡之弑自然并諱其殺視也太
子母弟可云賤乎

傳則以觀德注則法也○林堯叟曰則者君臣父子兄
弟夫婦朋友之法則也

傳昔高陽氏有才子八人○王應麟曰古者以德為才

十六才子是也如狄之鄆舒晉之知伯以才稱者古所謂不才子也

傳齊聖廣淵疏柳下惠聖之和者也○監本訛作伊尹聖之和者也今改正

傳父義母慈兄友弟共子孝內平外成疏是之謂五教又謂之五典○臣召南按尚書孔傳解慎徽五典即引此傳八元布五教納于百揆即引此傳八凱揆百事

傳今行父雖未獲一吉人注其言美惡有過辭○王應
麟困學紀聞曰禹鯀之子也史克於鯀曰世濟其凶
而於禹曰世濟其美論其世則鯀非美也於此見立
言之難

春秋左傳注疏卷二十考證

欽定四庫全書薈要卷一千一百三十七

經部

春秋左傳注疏卷二十一

起宣公元年盡四年

晉杜氏注

唐陸德明音義

孔穎達疏

宣公音義

陸曰宣公名倭一名接又作委文疏

正義曰魯

世家云宣公名倭或作接文公之子敬嬴所生以匡王五年即位是歲歲在壽星謚法善問周達曰宣

經元年春王正月公即位注無傳○公子遂如齊逆女

注不譏喪娶者不待貶責而自明也卿為君逆例在文

四年音義

娶七喻反為于偽反

疏

正義曰文公喪未期此時已娶違禮不譏者此事甚惡言不待

貶責而其惡自明也昭元年公羊傳曰春秋不待貶絕而罪惡見者不貶絕以見罪惡貶絕然後罪惡見者貶絕以見罪惡是其義也文四年逆婦姜于齊傳云卿不行非禮也是卿為君逆之例也三月遂以

夫人婦姜至自齊注稱婦有姑之辭不書氏史闕文疏

正義曰宣公毋敬羸在是有姑也夫人以姜為姓舉姓而稱姜氏去氏稱姜則不成文義知不稱氏者史闕文也傳言新作延廐而經無作字是作傳之時經猶未闕於後經始闕耳此文傳亦無氏知其本史先闕故云史闕文而不云經闕文也史文既闕仲尼不正之者以無所褒貶故因其詳略也諸經所闕者或史文先闕仲尼不改或仲尼具文在後始闕公羊穀梁漢初始為其傳見其闕文妄為之說非其實也公羊傳曰夫人何以不稱姜氏貶曷為貶譏喪娶喪娶者公也則曷為貶夫人內無貶于公之道也內無貶于公之道則曷為貶夫人

夫人與公一體也穀梁之意亦然先儒取以為說服虔云古者一禮不備貞女不從故詩云雖速我訟亦不女從宣公既以喪娶夫人從亦非禮故不稱氏見略賤之也杜不然者女之出嫁事由父母夫來取之父母許之豈得問禮具否拒逆昏姻之命從夫喪娶父母之咎自可罪其父母何以貶責夫人若其貶責夫人當去夫人之號減一氏字復何所明夫人之稱姜氏猶遂之稱公子也舍遂之族而去子稱公可乎亦如遂不可去子稱公夫人復安可以去氏稱姜也逆婦姜于齊以卿不行變文略賤此經貶遂不稱公子以成夫人之尊非略賤之事也詩責彊暴之男行不由禮陳其爭訟之辭述其守貞之意此宜是宣公淫掠而欲令齊女守貞哉

夏季孫行父如齊

晉放其大夫胥甲父于衛注放者受罪黜免宥之以遠

音義

宥音

疏

正義曰

舜典云流宥五刑孔安國云以流

刑之寬其罪而放棄之也三諫不從待放而去者彼雖無罪君不用其言任令自去亦是放棄之義放之與奔俱是去國而去情小異釋例曰奔者迫窘而去逃死四隣不以禮出也放者受罪黜免宥之以遠也臣之事君三諫不從有待放之禮故傳曰義則進否則奉身而退迫窘而出奔及以禮見放俱去其國故傳通以進為文仲尼脩春秋又以所稱為優劣也言優劣者放者君舍其罪緩步而出是其優也奔者止則懼死奔馳而去是其劣也昭八年楚人執陳公子招放之于越哀三年蔡人放其大夫公孫獵于吳與此胥甲父等皆甘心受罪黜其官位宥之以遠遠方是實放而書放也襄二十九年傳稱齊公孫薑公孫竈放其大大高止于北燕書曰出奔罪高止也高止好以事自為功且專故難及之彼罪高止故實放而書奔也然則文十四年傳稱宋高哀

不義宋公而出遂來奔高哀無罪亦改放而書奔者放者緣遣者之意為義奔者指去國之人立文據其所往之處皆是從外來耳高哀身來至魯自魯而稱來奔不書宋人之意故不得言放此乃外內之文異耳叛者以地適他稱叛入魯則稱來奔亦此之類也

公會齊侯于平州注平州齊地在泰山牟縣西音義

牟亡

侯反

公子遂如齊

六月齊人取濟西田注魯以賂齊齊人不用師徒故曰

取

秋邾子來朝注無傳

楚子鄭人侵陳遂侵宋晉趙盾帥師救陳注傳言救陳

宋經無宋字蓋闕音義

盾徒反疏正義曰陳宋俱被楚侵本反疏明其竝救二國傳稱救

陳宋而經無宋字故設疑云蓋闕也服虔云趙盾既救陳而楚師侵宋趙盾欲救宋而楚師解去按經傳皆言侵陳遂侵宋陳在宋南是先侵陳去陳乃侵宋也若趙盾越宋而南救陳猶及楚師北迴救宋安得不及楚也

若言欲救宋而楚師解去則救陳之時楚師已向宋矣何以書救陳也蓋以陳既被侵方始告晉晉人起師救

陳楚又移師侵宋晉師比至於鄭楚師既已去矣故諸國會于葉林同共伐鄭葉林鄭地明晉始至鄭不得與

楚相遇故竟無戰事言救陳宋者皆是致其意耳

宋公陳侯衛侯曹伯會晉師

于棐林伐鄭注晉師救陳宋四國君往會之共伐鄭也

不言會趙盾取於兵會非好會也棐林鄭地滎陽苑陵

縣東南有林鄉音義

棐芳尾反
好呼報反
疏正義曰晉本興師為救陳宋但楚師已去

故四國之君在會晉師與共伐鄭言于棐林者行會禮

然後伐桓十五年公會宋公衛侯陳侯于袤伐鄭亦行

會禮乃伐與此同也晉使趙盾為將不言會趙盾而言

晉師者取於兵會非好會言所會會其兵非會其人故

稱師案定八年公會晉師于瓦注云卿不書禮不敵公

知此非為趙盾不敵公侯稱師者沈氏云此會有宋公

陳侯等猶成二年會于蜀有蔡許之君故知此非為趙

盾不得敵諸侯但取於兵會彼會于瓦唯有公故知與

此異

耳

冬晉趙穿帥師侵崇音義

崇本亦作密

晉人宋人伐鄭

傳元年春王正月公子遂如齊逆女尊君命也注諸

侯之卿出入稱名氏所以尊君命也傳於此發者與

還文不同故釋之疏

正義曰氏者位尊乃賜是臣之寵號具名氏所以尊君命言君

命重故貴臣行行人貴則君命尊也諸侯之卿出入

稱名氏者若宋華元衛元咺之類是也如魯卿公孫

敖喪歸尚稱氏明生歸亦然其歸父意如叔孫姑不

稱氏者各有所為與常例不同也會盟征伐具名氏

者皆是尊君命也傳獨於此發者為其與還文不同

故於此釋之釋例曰昏禮雖奉時君之命其言必稱

先君以為禮辭故公子翬逆女傳曰脩先君之
好公子遂逆女傳稱曰尊君命互發其義也

三月

遂以夫人婦姜至自齊尊夫人也注遂不言公子替

其尊稱所以成小君之尊也公子當時之寵號非族

也故傳不言舍族釋例論之備矣音義

稱尺證反
舍音捨

疏

正義曰公子亦是寵號其事與族相似魯臣有罪則
貶去其族族去則非卿今遂與夫人俱至物無兩大
人不並尊若從夫人者尊則夫人卑矣故替其尊稱
令從夫人者卑則夫人尊矣釋例曰往必稱族以示
其重還雖在塗必舍族以替之所以成小君之尊是
其義也成十四年叔孫僑如逆女及以夫人至其文
與此正同彼傳云稱族尊君命舍族尊夫人此傳不
言稱族舍族者釋例曰傳云公子遂如齊逆女尊君

命也遂以夫人婦姜至自齊尊夫人也叔孫僑如逆女則往曰稱族還曰舍族然則公子公孫繫公之常言非族也是言公子非族故與彼異文公子雖則非族稱舍亦與族同故其言尊君命尊夫人與彼亦不異也所以異者族必君賜乃稱之公子○夏季文子公孫繫公之常言不須待賜乃稱之耳

如齊納賂以請會注宣公篡立未列於會故以賂請

之音義

篡初患反

○晉人討不用命者放胥甲父于衛注

胥甲下軍佐文十二年戰河曲不肯薄秦於險疏

正義

曰按彼傳胥甲與趙穿同罪放胥甲而舍趙穿者於時趙盾為政穿見晉君之壻或本罪輕於胥甲故得無咎而立胥克注克甲之子先辛奔齊注胥甲之屬大

夫○會于平州以定公位注纂立者諸侯既與之會

則不得復討臣子殺之與弑君同故公與齊會而位

定音義

又復扶疏

正義曰春秋之世王政不行諸侯自相推戴廢立不由天子纂弑而立則

鄰國討之若與之會則序之於列成其為君諸侯既已為會則臣子不得復討若其殺之則與弑君罪同宣公殺子惡而取國常畏魯人討已心不自安納賂請會故既與齊會而公位乃定成十五年戚之會討曹成公成公得列于會後曹人請于晉曰先君無乃有罪乎若有罪則君列諸會矣是列會則位定也

○東門襄仲如齊拜成注謝得會也○六月齊人取濟西之田為立公故以賂齊也注濟西故曹地僖三

十一年晉文以分魯音義偽為于反○宋人之弑昭公也

注在文十六年晉荀林父以諸侯之師伐宋宋及晉

平宋文公受盟于晉又會諸侯于扈將為魯討齊皆

取賂而還注文十五年十七年二扈之盟皆受賂疏

正義曰杜以傳言皆取賂而還必有二事乃得稱皆
故指二扈之盟以充皆義劉炫云案傳數晉罪近發
宋弑昭公前扈之盟文所不及何當虛指其事言皆
取賂炫謂宋及晉平取宋賂為魯討齊取齊賂也案
此言會諸侯于扈文承宋人之弑昭公下知非十七
年會于扈既取宋賂又取齊賂而稱皆必為十七年
十五年二扈之盟者案十七年會于扈尋檢經傳全
無為魯討齊之事豈得違背經傳妄指十七年乎但

宋弑昭公其罪既大故先言之為魯討齊其失小故後言之劉炫以傳文先後顛倒又以會于扈為十七年之事違背經傳而規杜非也取賂而還書本或云取齊賂而還檢勘古本及杜注意竝無齊字文十七年宋及晉平唯受宋賂十五年會扈受齊賂耳傳言皆者皆齊宋也故知皆取齊賂者非也鄭穆

公曰晉不足與也遂受盟于楚陳共公之卒楚人不

禮焉注卒在文十二年音義

恭共音

陳靈公受盟于晉

秋楚子侵陳遂侵宋晉趙盾帥師救陳宋會于榘林以伐鄭也楚為賈救鄭遇于北林注與晉師相遇滎陽中牟縣西南有林亭在鄭北囚晉解楊晉人乃還

注解揚晉大夫音義

解音

○晉欲求成於秦趙穿曰

我侵崇秦急崇必救之注崇秦之與國音義

秦急崇絕句本

或作崇急秦必救之是後人改耳

疏

正義曰崇是秦之與國故秦人急於援崇

吾以求成

焉冬趙穿侵崇秦弗與成○晉人伐鄭以報北林之

役注報因解揚於是晉侯侈趙宣子為政驟諫而不

入故不競於楚注競強也為明年鄭伐宋張本音義

侈昌氏反又戶氏反驟仕救反

經二年春王二月壬子宋華元帥師及鄭公子歸生帥

師戰于大棘宋師敗績獲宋華元注得大夫生死皆曰

獲例在昭二十三年大棘在陳留襄邑縣南疏

正義曰此華元

歸生及哀二年趙鞅罕達客主各言帥師者皆是將尊
師衆故竝具其文或於歸生之下無帥師之字脫耳注
正義曰此獲華元生也哀十一年獲齊國書死也以此
知生死皆曰獲昭二十三年傳云書曰胡子髡沈子逞
滅獲陳夏齧君臣之辭也
傳言書曰是仲尼變例也

秦師伐晉

夏晉人宋人衛人陳人侵鄭注鄭為楚伐宋獲其大夫

晉趙盾興諸侯之師將為宋報恥畏楚而還失霸者之

義故貶稱人音義

為楚于偽反下同

疏

正義曰諸經貶諸侯之卿稱人者傳皆言其名

氏此傳唯稱趙盾及諸侯之師侵鄭諸侯之將不言名氏則實是微者非貶之也趙盾畏楚而還故貶之稱人釋例曰鄭受楚命伐宋大敗宋師獲其二卿此晉之不競也晉於是申命衆國大起其衆將以雪宋之恥取威定霸趙盾為政而畏越椒之盛不敢遂其所志託辭班師失宋之心孤諸侯之望所以致貶也

秋九月乙丑晉趙盾弑其君夷臯注靈公不君而稱臣

以弑者以示良史之法深責執政之臣例在四年音義

臯古

正義曰釋例曰經書趙盾弑君而傳云靈公不

力反疏

君又以明於例此弑宜稱君也弑非趙盾而經

不變文者以示良史之意深責執政之臣傳故特見仲尼曰越竟乃免明盾亦應受罪也雖原其本心而春秋

不赦其罪蓋
為教之速防

冬十月乙亥天王崩注無傳

傳二年春鄭公子歸生受命于楚伐宋注受楚命也

音義

受命于楚本
或作命于楚

宋華元樂呂禦之二月壬子戰于

大棘宋師敗績囚華元獲樂呂注樂呂司寇獲不書

非元帥也獲生死通名經言獲華元故傳特護之曰

囚以明其生獲故得見贖而還音義

帥所類反
贖食欲反

及甲

車四百六十乘俘二百五十人馘百人狂狡輅鄭人

鄭人入于井注狂狡宋大夫輅迎也音義

乘繩證反下同俘芳

夫反馘古獲反馘百人或馘百者人衍字狡古邪反輅五嫁反

倒戟而出之獲狂狡

君子曰失禮違命宜其為禽也戎昭果毅以聽之之

謂禮注聽謂常存於耳著於心想聞其政令音義

丁倒

老反宜其為禽一本作宜其禽也毅魚既反著直略反

殺敵為果致果為毅易

之戮也注易反易疏

正義曰軍法以殺敵為上將軍臨戰必三令五申之狂狡失即

戎之禮違元帥之命曲法以極鄭人宜其為禽也昭明也兵戎之事明此果毅以聽之之謂禮能殺敵人
是名為果言能果敢以除賊致此果敢乃名為毅言能彊毅以立功易之戮也反易此道則合刑戮也昭

謂明曉此禮致謂達之於敵殺彊也能致用此意乃謂彊人言在軍對敵必須殺也尚書成湯數桀之罪以誓衆云爾尚輔予一人致天之罰予其大賚汝爾不從誓言予則孥戮汝武王數紂之罪以誓衆云勗哉夫子尚桓桓如虎如貔如熊如羆于商郊爾所不勗其于爾躬有戮二王以至聖伐至惡尚誓衆使多殺是軍法務在多殺殺敵乃為禮也公羊善宋襄公不鼓不成列以為文王之戰亦不過此武王之戰既知不然文王之戰豈當若是審如公羊之言丈王未曉戰法其不能身定天下宜為此乎將戰華

元殺羊食士其御羊斟不與及戰曰疇昔之羊子為

政注疇昔猶前日也音義

食音嗣斟之金反不與音預

疏

正義曰禮記檀

弓云孔子謂子貢曰吾疇昔之夜夢坐奠於兩楹之間鄭玄云疇昔猶前日也是相傳為然

今日

之事我為政與入鄭師故敗君子謂羊斟非人也以

其私憾敗國殄民注憾恨也殄盡也音義

憾本亦作感戶暗反

注同敗必邁反又如字殄大典反

於是刑孰大焉詩所謂人之無良

者注詩小雅義取不良之人相怨以亡其羊斟之謂

乎殘民以逞音義

逞勅領反

○宋人以兵車百乘文馬百

駟注畫馬為文四百匹疏

正義曰謂文飾雕畫之若朱其尾鬣之類也

以

贖華元于鄭半入華元逃歸立于門外告而入注告

宋城門而後入言不苟見叔牂曰子之馬然也注叔

詳羊斟也卑賤得先歸華元見而慰之音義

詳子郎反

對

曰非馬也其人也注叔詳知前言已顯故不敢讓罪

既合而來奔注叔詳言畢遂奔魯合猶答也疏

正義曰叔

詳卑賤故得先歸華元見而安慰之曰往奔入鄭軍者子之馬使然非子之罪叔詳自知前言已顯不敢隱諱乃對元曰非馬也其人也言是已為之叔詳既答華元而即來奔魯耳服虔載三說皆以子之馬然為叔詳之語對曰以下為華元之辭賈逵云叔詳宋守門大夫華元既見叔詳詳謂華元曰子見獲於鄭者是由子之馬使然也華元對曰非馬自奔也其人為之也謂羊斟驅入鄭也奔走也言宋人贖我之事既和合而我即來奔耳鄭衆云叔詳即羊斟也在先得歸華元見叔詳詳即誣之曰奔入鄭軍者子之馬

然也非我也華元對曰非馬也其人也言是女驅之耳叔祥既與華元合語而即來奔魯又一說叔祥宋人見宋以馬贖華元謂元以贖得歸謂元曰子之得來當以馬贖故然華元曰非馬也其人也言己不由馬贖自以人事來耳贖事既合而我即來奔杜以傳文見叔祥而即言曰則曰下皆當為華元之語不得為叔祥之辭且以華元與賤人交語而稱對曰謂歸國而來奔皆於文不順又羊斟與叔祥當是名字相配故不從三家而別為之說宋鄭氏來奔為奔魯耳合是聚合言語故云合猶答也

宋城華元

為植巡功注植將主也音義

植直吏反注疏正義曰同將子匠反疏周禮大

司馬大役屬其植鄭司農云植謂部曲將吏故宋城華元為植巡功是植為將領主帥監作者也巡功謂巡城檢城者謳曰睥其目瞞其腹棄甲而復注睥出作功也

目瞤大腹棄甲謂亡師音義

謳烏侯反睥戶板反說文字林云大目也蘇林

云寢視不安貌孟康云

疏

正義曰說文云睥大目也目大則出見故云出目也

瞤是腹之狀腹以大為異故為大腹也

于思于思棄甲復來注于思多

鬚之貌音義

于思如字又西才反多鬚貌賈逵云白頭貌復扶又反來力知反又如字以協

上韻鬚脩于

疏

正義曰賈逵以為白頭貌成十五年華元為右師距此三十二年計未得

頭白故杜以為多鬚貌亦是以意言之耳

使其驂乘謂之曰牛則有皮犀

兕尚多棄甲則那注那猶何也音義

驂七南反犀音西兕徐履反那

乃多
疏

正義曰釋獸云犀似豕郭璞曰形似水牛豬頭大腹痺脚脚有三蹄黑色三角一在頂上

一在額上一在鼻上鼻上者食角也小而不櫛好食
棘亦有一角者劉欣期交州記曰犀出九德毛如豕
蹄有甲頭似馬吳錄地理志云武陵沅南縣以南皆
有犀釋獸云兕似牛郭璞云一角青色重千斤說文
云兕如野牛青毛其皮堅厚可制鎧交州記曰兕出
九德有一角角長三尺餘形如馬鞭柄徧檢書傳犀
兕二獸竝出南方非宋所有假令波及宋
國必不能多言尚多者苟以荅詭者耳

役人曰從

其有皮丹漆若何華元曰去之夫其口衆我寡注傳

言華元不吝其咎寬而容衆音義

漆音七吝力刃
反咎其九反

○

秦師伐晉以報崇也注伐崇在元年遂圍焦注焦晉

河外邑夏晉趙盾救焦遂自陰地及諸侯之師侵鄭

注陰地晉河南山北自上洛以東至陸渾音義

渾戶昏反

以報大棘之役楚鬪椒救鄭曰能欲諸侯而惡其難乎遂次于鄭以待晉師趙盾曰彼宗競于楚殆將斃

矣注競強也鬪椒若敖之族自子文以來世爲楚令

尹音義

惡烏路反難乃旦反斃婢世反

姑益其疾乃去之注欲示弱

以驕之傳言趙盾所以稱人且爲四年楚滅若敖氏

張本○晉靈公不君注失君道也以明於例應稱國

以弑音義

弑申志反

厚斂以雕牆注雕畫也音義

斂力驗反雕本

亦作彫牆
在良反

從臺上彈人而觀其辟丸也宰夫胹熊蹯

不熟殺之寘諸俎使婦人載以過朝注俎以草索為

之筓屬音義

彈徒丹反胹音而炙也蹯扶元反寘之
鼓反俎音本草器也索素各反筓九呂

反

疏

正義曰字書過熟曰胹命此宰夫胹熊蹯不至
於熟以其違命故殺之注正義曰周禮挈壺氏

挈俎以令軍糧鄭眾云縣俎于廩假之處俎所以盛
糧之器故以俎表廩說文云俎蒲器可以盛糧韓詩
外傳云鮑焦挈俎采蔬遇子貢於道是俎可以盛糧
盛菜以草索為之今人猶有此器形制似筓故為筓
屬過朝以示
人令眾懼也趙盾士季見其手問其故而患之將諫

士季曰諫而不入則莫之繼也會請先不入則子繼

之三進及溜而後視之注士季隨會也三進三伏公

不省而又前也公知欲諫故佯不視音義

其手一本作首溜力

救反屋

疏

正義曰言二人將欲相隨入諫士季謂盾

雷也

曰

子是尊卿今與子俱諫而不入則莫之

能繼續為諫會是卑卿請先往諫不入則子繼之注

正義曰溜謂簷下水溜之處入門伏而不省起而更

進三進而及於君之屋溜言迫於公之前

曰吾知所過矣將改之稽首而

對曰人誰無過過而能改善莫大焉詩曰靡不有初

鮮克有終注詩大雅也音義

鮮息淺反少也下同

夫如是則能

補過者鮮矣君能有終則社稷之固也豈惟羣臣賴

之又曰衮職有闕惟仲山甫補之能補過也注詩大

雅也衮君之上服闕過也言服衮者有過則仲山甫

能補之音義

袞 古
本 反

君能補過袞不廢矣注常服袞也

猶不改宣子驟諫公患之使鉏麇賊之注鉏麇晉力

士音義

鉏仕俱反麤音迷一音五兮反

晨往寢門闢矣盛服將朝尙

早坐而假寐注不解衣冠而睡音義

闕婢亦反盛音
成本或作成睡

反垂
偽

麀退歎而言曰不忘恭敬民之主也賊民之主

不忠棄君之命不信有一於此不如死也觸槐而死

注槐趙盾庭樹音義

槐音懷又音回

秋九月晉侯飲趙盾酒

伏甲將攻之其右提彌明知之注右車右音義

飲於鳩反

提本又作祗上支反彌面皮反

趨登曰臣侍君宴過三爵非禮也遂

扶以下公嗾夫獒焉明搏而殺之注獒猛犬也音義

遂扶舊本皆扶房字反服虔注作跣先典反云徒跣也今杜注本往往有跣者嗾素口反說文云使犬也

服本作嘬夫音扶獒五羔反尚書傳云大犬也爾雅云狗四尺為獒說文云犬知人心可使者搏音博

疏正義曰此言飲趙盾酒是小飲酒耳非正燕禮燕禮獻酬之後方脫屣升堂行無算爵非止三爵而

已其侍君小飲則三爵而退玉藻云君子之飲酒也受一爵而色洒如也二爵而言言斯禮已三爵而油

油以退鄭玄云禮飲過三爵則敬殺可以去矣是三爵禮訖自當退也提彌明言此之時未必已過三爵假此辭以悟趙盾耳服虔本扶作跣注云趙盾徒跣而下走禮脫屨而升堂降階乃納屨堂上無屨跣則是常何須云遂跣而下且遂者因上生下之言提彌明言訖而遂不得為趙盾遂也杜本作扶言扶趙盾下階也服虔云喉取也夫語辭焚犬名公乃喉夫焚使之噬盾也釋畜云狗四尺為焚是大犬之名以其使之噬盾故盾曰棄人用犬雖猛何為注責公不養云焚猛犬也

士而更以犬為已用鬪且出提彌明死之初宣子田於首山舍於翳桑注田獵也翳桑桑之多陰翳者首

山在河東蒲坂縣東南音義

翳於計反陰音陰又於鳩反

見靈輒

餓問其病注靈輒晉人曰不食三日矣食之舍其半

問之曰宦三年矣注宦學也音義

食之音嗣下同舍其音捨

疏正義

曰曲禮云宦學事師則二者俱是學也但宦者學仕宦學者尋經藝以此爲異矣

未知母之

存否今近焉注去家近請以遺之使盡之而爲之簞

食與肉注簞筥也音義

遺唯季反下注同簞音丹筥思嗣反

疏

正義曰鄭玄曲

禮注云圓曰簞方曰筥然則俱是竹器方圓異名耳故以簞爲筥鄭玄論語注亦云簞筥也

寘諸

橐以與之既而與爲公介注靈輒爲公甲士音義

橐他

洛反而與音預公介音界

倒戟以禦公徒而免之問其故對曰翳

桑之餓人也問其名居注問所居不告而退注不望

報也遂自亡也注輒亦去乙丑趙穿攻靈公於桃園

注穿趙盾之從父昆弟子乙丑九月二十七日音義

攻如字本

疏

正義曰晉語云趙衰趙夙之弟世族譜

或作弒

盾

是衰子穿是夙孫是穿爲盾之從父

昆弟之子也世本夙爲衰祖穿爲夙之

宣子未出山

曾孫世本轉寫多誤其本未必然也

而復注晉竟之山也盾出奔聞公弒而還音義

竟音境下

文注同弒

大史書曰趙盾弒其君以視於朝宣子曰

不然對曰子爲正卿亡不越竟反不討賊非子而誰

宣子曰嗚呼我之懷矣自詒伊感其我之謂矣注逸

詩也言人多所懷戀則自遺憂音義

大音泰

孔子曰董

狐古之良史也書法不隱注不隱盾之罪趙宣子古

之良大夫也爲法受惡注善其爲法受屈音義

爲于偽反

注惜也越竟乃免注越竟則君臣之義絕可以不討

賊疏

正義曰哀八年傳公山不狃云君子違不遘讎國未臣而有伐之奔命焉死之可也注云未臣

所適之國則可還奔命死其難如彼傳文雖則出奔臣義未絕此注云越竟則君臣之義絕者以仲尼云越竟乃免出竟則免責明其義已絕也襄三十年鄭人殺良霄傳曰不稱夫人言自外入也去國不稱大

夫是為義絕之驗且受君之命乃得為臣今君欲殺已逃奔他國君之於臣既已絕矣臣之於君能無絕乎董狐云子為正卿反不討賊明其威足討賊卿位猶在故責之耳我以君寵得為國卿仗君之威故羣下用命亦既失位出奔國人不復畏我國內自有賊亂非我所能禁之故越竟得免由義絕故也不弔之言謂已以他故出奔非是君欲殺已閔其宗國宜還救之昭二十一年宋公子城以晉師救宋是其事也襄二十七年傳曰崔氏之亂申鮮虞來奔僕貴於野以喪莊公彼是公之寵臣去國而行君服豈復貴無罪而將見殺逃竄而得免死者皆令反服君乎禮檀弓曰穆公問於子思曰為舊君反服古與子思曰古之君子進人以禮退人以禮故有舊君反服之禮也今之君子進人若將加諸膝退人若將隊諸淵無為戎首不亦善乎又何反服之禮之有是言
宣子使趙去國雖同本情有異不可以一槩論也

穿逆公子黑臀于周而立之注黑臀晉文公子音義

臀徒

疏正義曰周語單襄公云吾聞成公之生也其

門反

母夢神規其臀以墨曰使有晉國故命之曰

黑臀晉世家成公者文

壬申朝于武宮注壬申十月

公少子其母周女也

五日既有日而無月冬又在壬申下明傳文無較倒

音義

較音角

○初驪姬之亂詛無畜羣公子注詛盟誓

音義

驪力知反疏正義曰服虔云驪姬與獻公及諸

專國杜雖不注義似不然若驪姬身爲此詛姬死即

應復常何得比至於今國無公族豈復文襄之霸遂

踵驪姬法乎蓋爲奚齊卓子以庶篡適晉國創其爲

亂不用復畜公子按檢傳文及國語文公之子雍在

秦樂在陳黑臀在周襄公之孫談在周則是晉之公
子悉皆出在他國是其因行而不改成公今始革之
故傳本其初也則是國內因驪姬之亂故設此詛非
驪姬自為詛也若驪姬為詛不須言驪姬之亂以言
之亂知其創驪姬也自此之後雖立公族而顯者亦
少唯有悼公之弟揚干悼公之子愨二人名見於傳
昭十八年鄭人救火子產辭晉公子公孫於東門
以外更無其人良由偁於六卿不被任用故耳

自

是晉無公族注無公子故廢公族之官疏

正義曰不畜羣公子

故無公族是公族之官掌教公之子弟也下注云餘
子適子之母弟亦治餘子之政子屬餘子之官則適
子屬公族之官也孔晁注國語云公族大夫掌公族
及卿大夫子弟之官是卿之適子屬公族也晉語云
欒伯請公族悼公曰苟家惇惠苟會文敏厲也果敢
無忌慎靖使茲四人者為之膏梁之性難正也故使

惇惠者教之文敏者道之果敢者諗之慎靖者脩及
之使茲四人者為公族大夫是公族主教誨也

成公即位乃宦卿之適子而為之田以為公族注宦

仕也為置田邑以為公族大夫音義適本又作嫡丁
歷反下注同為

置子又宦其餘子亦為餘子注餘子嫡子之母弟也
偽反

亦治餘子之政疏正義曰下庶子為妾子知餘子則
是嫡子之母弟也言亦為餘子則

知餘子之官亦治餘子之政令主教卿大夫適妻之
次子也下云庶子為公行掌率公之戎車則公行不

教庶子然則卿大夫之妾其庶子為公行注庶子妾
子亦是餘子之官教之矣

子也掌率公戎行音義行戶郎反疏正義曰下句趙
盾自以為庶為

旄車之族即公行也掌車而謂之晉於是公族餘公行知其掌率公戎車之行也

子公行注皆官名疏

正義曰此晉有公族餘子公行詩魏風有公族公路公行其公

族公行既同公路似此餘子但餘子不主路車公路非餘子也當與公行為一以其主君路車謂之公路

主車行列謂之公行其實止是一官詩人變文以韻

句耳周禮無此三官之名夏官有諸子下大夫二人

掌國子之倅事與公族同也春官有巾車下大夫二人掌王之五路事與公行同也無餘子同者天子諸

侯禮異耳趙盾請以括爲公族注括趙盾異母弟趙姬之

中子屏季也音義

括古活反中如字又丁仲反屏步丁反

曰君姬氏之

愛子也注趙姬文公女成公姊也微君姬氏則臣狄

人也公許之注盾狄外孫也姬氏逆之以爲嫡事見

僖二十四年音義

見賢遍反

冬趙盾爲旄車之族注旄車

公行之官盾本卿適其子當爲公族辟屏季故更掌

旄車音義

旄音毛一作耗

疏

正義曰主公車行列謂之公行車皆建旄謂之旄車之族

詩云子子干旄又曰建旄設旄是公車必建旄也周禮主車之官謂之巾車巾者衣也主衣飾之車謂之中車此掌建旄之車謂之旄車之族盾本卿之適子其子世承正適當爲公族使辟屏季故更爲旄車之族自以身爲妾子故使其子爲妾子之官知非盾身自爲旄車之族而云使其子者旄車之族賤官耳盾身既爲正卿無容退掌賤職六年經稱晉趙盾衛孫免侵陳仍書於經非身退位故知使其子耳原同長

而使趙括者沈氏云以其君姬氏之愛子故使之非正適也

使屏季以其故族爲

公族大夫注盾以其故官屬與屏季使爲衰之適音

義

衰初

疏

正義曰族即屬也故官屬者父時舊官屬也

適也盾之此意欲令身死之後使屏季承其父後爲趙氏宗主但晉人以盾之忠更使其子朔承盾後耳

經三年春王正月郊牛之口傷改卜牛牛死乃不郊猶

三望注牛不稱牲未卜日

葬匡王注無傳四月而葬速

楚子伐陸渾之戎

夏楚人侵鄭

秋赤狄侵齊注無傳

宋師圍曹

冬十月丙戌鄭伯蘭卒注再與文同盟疏

正義曰蘭以僖三十三年

即位文二年盟于垂隴七年于扈十四年于新城魯鄭俱在當言三同盟而云再者以扈之盟經文不序諸侯故不數劉炫規之非也

葬鄭穆公注無傳

傳二年春不郊而望皆非禮也注言牛雖傷死當更

改卜取其吉者郊不可廢也前年冬天王崩未葬而郊者不以王事廢天事禮記曾子問天子崩未殯五祀不行既殯而祭自啟至于反哭五祀之祭不行已

葬而祭疏

正義曰按經牛死在正月郊當用三月其間足得養牛牛雖一傷一死當更改卜取

其吉者郊天之禮不可廢也牛死而遂不郊故爲非禮也不郊非禮則於禮得郊禮諸侯爲天子斬衰天王崩未葬而得郊者不以王事廢天事也引曾子問者舉輕以明重也初死以至於殯啟殯以至反哭於此之間五祀之祭不行耳既殯之後啟殯以前五祀之祭猶尚不廢郊天必不廢矣故鄭注云郊社亦然王制云喪三年不祭唯祭天地社稷爲越絰而行事鄭玄云不敢以卑廢尊絰輜車索禮天子殯於西序

櫓輜車而塗之繫紼以備火災言越紼而行事是在
殯得祭也按曾子問既殯而祭其祭也尸入三飯不
侑醕不酢而已矣謂尸唯三飯祝不侑勸其食食罷
主人酌酒醕尸尸不酢主人曾子問又云已葬而祭
祝畢獻而已謂尸飯而侑勸訖醕尸尸酢主人酢訖
又布祝席祝坐主人酌酒以獻祝獻畢而止故鄭注
云既葬彌吉畢獻祝而後止是也鄭又注彼云天子
七祀言五者闕中言之按禮記祭法云王為羣姓立
七祀曰司命曰中雷曰國門曰國行曰泰厲曰戶曰
竈王自為立七祀諸侯為國立五祀曰司命曰中雷
曰國門曰國行曰公厲諸侯自為立五祀大夫立三
祀曰族厲曰門曰行適士立二祀曰門曰行庶士庶
人立一祀或立戶或立竈是其義也望郊之屬也不郊亦無望可也注
已有例在僖三十一年復發傳者嫌牛死與卜不從

異音義

又復扶反

○晉侯伐鄭及邲鄭及晉平士會入盟

注邲鄭地為夏楚侵鄭傳音義

邲音延

○楚子伐陸渾

之戎遂至於雒觀兵于周疆注雒水出上雒冢領山

至河南鞏縣入河音義

疆居良反

定王使王孫滿勞楚子

注王孫滿周大夫音義

勞力報反

楚子問鼎之大小輕重

焉注示欲偪周取天下對曰在德不在鼎昔夏之方

有德也注禹之世音義

夏戶雅反

遠方圖物注圖畫山川

奇異之物而獻之貢金九牧注使九州之牧貢金鑄

鼎象物注象所圖物著之於鼎音義

鑄之樹反著張慮反舊直略反

百物而為之備使民知神姦注圖鬼神百物之形使

民逆備之故民入川澤山林不逢不若注若順也螭

魅罔兩注螭山神獸形魅怪物罔兩水神音義

螭勑知反

魅亡備反本又作魑罔亡丈反兩本又作螭音同說文云罔兩山川之精物也疏正義曰螭

魅怪物先儒相傳為然魯語仲尼云木石之怪夔罔

兩水之怪龍罔象則罔而是木石之神杜以為水神

者魯語賈逵注云罔兩罔象言有夔龍之形而無實

體然則罔兩罔象皆是虛無當總彼之意非神名也

上句言山林川澤則螭魅罔兩四神文十八年注螭

魅山林異氣所生螭魅既為山林之神則罔兩宜為

川澤之神故以為水神也

莫能逢之注逢遇也用能協于上下以

承天休注民無災害則上下和而受天祐音義

休許料反

下同祐音右

桀有昏德鼎遷于商載祀六百注載祀皆年

音義

載祀爾雅云商曰祀唐虞曰載周曰年夏曰歲

疏

正義曰釋天云唐虞曰載商曰祀周曰年

孫炎云載取物終更始祀取四時祭祀一訖年取年穀一熟是載祀皆年之別名複言之耳律歷志云商

三十一王六百二十九年

商紂暴虐鼎遷于周德之休明雖小重

也注不可遷音義

紂直九反

其姦回昏亂雖大輕也注言

可移天祚明德有所底止注底致也音義

祚才故反底音旨

成王定鼎于郊鄒注鄒注鄒注今河南也武王遷之成王

定之音義

鄒古洽反
鄒音辱

卜世三十卜年七百天所命也

周德雖衰天命未改鼎之輕重未可問也注

正義曰
律歷志

云周三十六王八百六十七年過卜數也

○夏楚人侵鄭鄭即晉故也○

宋文公即位三年殺母弟須及昭公子武氏之謀也

注武氏謀奉母弟須及昭公子以作亂事在文十八

年使戴桓之族攻武氏於司馬子伯之館盡逐武穆之族武穆之族以曹師伐宋秋宋師圍曹報武氏之

亂也○冬鄭穆公卒初鄭文公有賤妾曰燕姑注姑

南燕姓音義

姑其乙反又其吉反

夢天使與已蘭注蘭香草疏

正義曰夢言天者皆非天也此既言天使與已蘭即云余為伯儵儵即非天也伯儵不得自稱為天天不得變為伯儵明是夢者恍惚之言耳成五年晉趙嬰夢天使為已祭余余福女上天之神聰明正直寧當就淫亂之人降福以求食乎昭四年叔孫穆子夢天壓已弗勝號豎牛助而勝之若是上天之神寧當與豎牛爭力而不勝也明皆恍惚之言或別有邪神夢者不識而妄稱天耳

曰余為伯儵余

而祖也注伯儵南燕祖音義

儵以留反

以是為而子注以

蘭為女子名音義

女音汝

以蘭有國香人服媚之如是

注媚愛也欲令人愛之如蘭音義媚亡冀反既而文

公見之與之蘭而御之辭曰妾不才幸而有子將不

信敢徵蘭乎注懼將不見信故欲託所賜蘭爲懷子

月數公曰諾生穆公名之曰蘭文公報鄭子之妃曰

陳嬀注鄭子文公叔父子儀也漢律淫季父之妻曰

報音義嬀九危反生子華子臧得罪而出注出奔宋

音義臧反誘子華而殺之南里注在僖十六年南里

鄭地使盜殺子臧於陳宋之間注在僖二十四年又

娶于江生公子士朝于楚楚人酖之及葉而死注葉

楚地今南陽葉縣音義

酖直蔭反葉式涉反

疏

正義曰諸侯大子攝行父事稱

朝此公子士非大子亦稱朝者以大子稱朝故傳亦通言之其實合稱聘耳

又娶于蘇生

子瑕子俞彌俞彌早卒洩駕惡瑕文公亦惡之故不

立也注洩駕鄭大夫音義

俞音愉惡烏路反下同

公逐羣公子

公子蘭奔晉從晉文公伐鄭注在僖三十年音義

從如

字又才用反

石癸曰吾聞姬姑耦其子孫必蕃注姑姓宜

爲姬配耦音義

癸居揆反蕃音煩下同

姑吉人也后稷之元妃

也注姑姓之女爲后稷妃周是以興故曰吉人今公

子蘭姑甥也天或啓之必將爲君其後必蕃先納之

可以亢寵注亢極也音義

亢苦浪反

與孔將鉏侯宣多納

之盟于大宮而立之注大宮鄭祖廟音義

鉏仕俱反大音泰注

同

以與晉平穆公有疾曰蘭死吾其死乎吾所以生

也刈蘭而卒注傳言穆氏所以大興於鄭天所啓也

音義

刈魚廢反

經四年春王正月公及齊侯平莒及郟莒人不肯公伐

莒取向注莒郟二國相怨故公與齊侯共平之向莒邑

東海承縣東南有向城遠疑也音義

郟音談向舒亮反承韋昭之甌反一

作烝又

音拯

秦伯稻卒注無傳未同盟音義

稻徒老反

夏六月乙酉鄭公子歸生弑其君夷注傳例曰稱臣臣之罪也子公實弑而書子家罪其權不足也

赤狄侵齊注無傳

秋公如齊公至自齊注無傳告于廟例在桓二年

冬楚子伐鄭

傳四年春公及齊侯平莒及郕莒人不肯公伐莒取

向非禮也平國以禮不以亂伐而不治亂也注責公

不先以禮治之而用伐音義不治直以亂平亂何治

之有無治何以行禮○楚人獻鼃於鄭靈公注穆公

大子夷也音義鼃音公子宋與子家將見注宋子公

也子家歸生音義見賢子公之食指動注第二指也

疏正義曰大射禮云右巨指鉤弦鄭玄云右巨指右手大擘也又曰設決朱極三鄭玄云極猶放也所

以韜指利放弦也以朱韋為之三者食指將指無名
指小指短不用然則手之五指之名曰巨指食指將
指無名指小指也定十四年傳閭閻傷將指取其一
屨注云其足大指見斬遂失屨謂大指為將指者將
者言其將領諸指也足之用力大指為多手之取物
中指最長故足以大指為將指手以中指為將指其
食指者食所偏用服虔以示子家曰他日我如此必
云俗所謂喫鹽指也

嘗異味及入宰夫將解黿相視而笑公問之注問所

笑音義

解如字疏正義曰說文云黿大鼈也玄中

子

家以告及食大夫黿召子公而弗與也注欲使指動

無效音義

食音嗣

子公怒染指於鼎嘗之而出公怒欲

殺子公子公與子家謀先注先公爲難音義

染如琰反先悉

薦反難乃旦反

子家曰畜老猶憚殺之注六畜音義

畜許又反注同

王許六反憚徒旦反難也

而况君乎反譖子家子家懼而從之注

譖子家於公夏弑靈公書曰鄭公子歸生弑其君夷

權不足也注子家權不足以禦亂懼譖而從弑君故

書以首惡音義

禦魚呂反

君子曰仁而不武無能達也注

初稱畜老仁也不討子公是不武也故不能自通於

仁道而陷弑君之罪凡弑君稱君君無道也稱臣臣

之罪也注稱君謂唯書君名而稱國以弑言衆所共
絕也稱臣者謂書弑者之名以示來世終為不義改
殺稱弑辟其惡名取有漸也書弑之義釋例論之備

矣疏

正義曰晉語云趙宣子曰大者天地其次君臣則君臣之交猶父子也君無可弑之理而云弑

君稱君君無道者弑君之人固為大罪欲見君之無
道罪亦合弑所以懲創將來之君兩見其義非放弑
君之人以弑之為無罪也釋例曰天生民而樹之君
使司牧之羣物所以繫命故戴之如天親之如父母
仰之如日月事之如神明其或受雪霜之嚴雷電之
威則奉身歸命有死無貳故傳曰君天也天可逃乎
此人臣所執之常也然本無父子自然之恩末無家
人習翫之愛高下之隔縣殊壅塞之否萬端是以居

上者降心以察下表誠以感之然後能相親也若亢
高自肆羣下絕望情義地隔是謂路人非君臣也人
心苟離則位號雖存無以自固故傳例曰凡弑君稱
君君無道稱臣臣之罪稱君者唯書君名而稱國稱
人以弑言衆之所共絕也稱臣者謂書弑者主名以
垂來世終為不義而不可赦也然君雖不君臣不可
以不臣故宋昭之惡罪及國人晉荀林父討宋曰何
故弑君猶立文公而還深見貶削諸懷賊亂以為心
者故不容於誅也若鄭之歸生齊之陳乞楚之公子
比雖本無其心春秋之義亦同大罪是以君子慎所
以立也諸侯不受先君之命而篡立得與諸侯會者
則以成君書之齊商人蔡侯班之屬是也若未得接
於諸侯則不稱爵楚公子棄疾殺公子比蔡人殺陳
佗齊人殺無知衛人殺州吁公子瑕之屬是也諸侯
篡立雖以會諸侯為正此列國之制也至於國內策
名委質即君臣之分已定故殺不成君者亦與成君

同義傳曰會于平州以定公位又云若有罪則君列諸會矣此以會為斷也經書趙盾弑君而傳云靈公不君又以明於例此弑宜稱君也弑非趙盾而經不變文者以示良史之意深責執政之臣傳特見仲尼曰越竟乃免明盾亦應受罪也醫不三世不服其藥古之慎戒也人子之孝當盡心嘗禱而已藥物之劑非所習也許止身為國嗣國非無醫而輕果進藥故罪同於弑二者雖原其本心而春秋不赦蓋為教之遠防也楚靈無道於民於例當稱國以弑公子比首兵自立楚衆散歸而靈王縊死故以比為弑王也比既得國國人驚亂棄疾從而扇之比懼自殺皆棄疾之由故書公子棄疾殺公子比也左氏義例止此而已其餘小異皆從赴也劉賈許穎以為君惡及國朝則稱國以弑君惡及國人則稱人以弑按傳鄭靈宋昭經文異而例同故重發以同之子弑其父又嫌異於他臣亦重明其不異既不辭別國之與人而傳云

莒杞公多行無禮於國。天子僕因國人以弑之。經但稱國不稱人。知國之與人雖言別而事一也。杜言小異。從赴者宋之蒙澤。楚之乾谿。俱是國內而弑。捷不書蒙澤。齊商人衛州吁俱是公子而州吁不稱公子。諸如此類。所有不同。皆從赴也。此弑君之例。有君罪臣罪之異。而諸侯出奔皆不書。逐君之人以罪臣者。以君之見弑。未必皆為無道。故立臣罪之文。以見君有無罪死者。國君而被臣逐。悉是不能固位。其罪皆在於君。故杜諸侯出奔。例云諸侯奔者。皆迫逐而苟免。非自出也。仲尼之經。更沒逐者主名。以自奔為文者。責其不能自安。自固所犯非徒所逐之臣也。蔡侯朱雖無罪。據其失位出奔。亦其咎也。是說逐君無罪臣之文。

鄭人立子良。注穆公庶子。辭曰以賢則去疾

不足注去疾。子良名音義。

去起呂反下皆同

以順則公子堅

長乃立襄公注襄公堅也音義

長丁丈反

襄公將去穆氏

注逐羣兄弟而舍子良注以其讓己音義

舍音赦下同

子

良不可曰穆氏宜存則固願也若將亡之則亦皆亡

去疾何爲注何爲獨留乃舍之皆爲大夫○初楚司

馬子良生子越椒子文曰必殺之注子文子良之兄

是子也熊虎之狀而豺狼之聲弗殺必滅若敖氏矣

諺曰狼子野心是乃狼也其可畜乎子良不可子文

以爲大憾及將死聚其族曰椒也知政乃速行矣無

及於難且泣曰鬼猶求食若教氏之鬼不其餒而注

而語助言必餒音義

難乃旦反餒奴罪反餓也

及令尹子文卒鬪

般爲令尹注般子文之子子揚音義

般音班

子越爲司

馬爲賈爲工正諧子揚而殺之子越爲令尹已爲司

馬注賈爲椒諧子揚而已得椒處音義

爲于委反賈爲于偽反處

昌慮反

子越又惡之注惡賈音義

惡烏路反注同

乃以若教氏

之族圉伯羸於轅陽而殺之注圉囚也伯羸爲賈也

轅陽楚邑音義

圉吾呂反羸音盈轅音遼

遂處烝野將攻王王以

三王之子爲質焉弗受注烝野楚邑三王文成穆音

義

烝之承反
質音致

師于漳滏注漳滏漳水邊音義

漳音章
滏市制

反

疏正義曰釋例云漳水出新城汴鄉縣南至荆山

東南經襄陽南郡當陽縣入沮爾雅水邊之名

唯有涯涘岸許無以滏爲水邊者但此云漳滏成十

五年云決睢滏睢漳皆水名舉水名而言滏知滏是

水邊也秋七月戊戌楚子與若敖氏戰于臯許注臯許

楚地音義

許呼
五反

伯棼射王汰輶及鼓跗著於丁寧注

伯棼越椒也輶車轅汰過也箭過車轅上丁寧鉦也

音義

棼扶云反射食亦反下同汰他來反輶
跗留反跗芳扶反著直略反鉦音正

疏

正義
曰車

上不得置箕簋以縣鼓故爲作跗若殷之楹鼓也言
著於丁寧則丁寧是器晉語云伐備鐘鼓聲其罪也
戰以淳于丁寧倣其民也是丁寧戰之用也周禮鼓
人以金錡和鼓鄭玄云錡淳于也其形圓如碓頭以
金錡節鼓鄭玄云錡鉦也形如小鍾軍行鳴之以爲
鼓節是錡即淳于錡即丁寧故先儒皆以錡爲鉦之
別名丁寧即
是鉦也又射汰輶以貫笠轂注兵車無蓋尊者則

邊人執笠依轂而立以禦寒暑名曰笠轂此言箭過

車轅及王之蓋音義

貫古亂反笠音立轂古木反

疏

正義曰服虔云笠轂轂之

蓋如笠所以蔽轂上以禦矢也一曰車轂上鐵也或
曰兵車旁幔輪謂之笠轂杜以彼爲不安故改之而
爲此說亦是
以意而師懼退王使巡師曰吾先君文
言差於人情爲近耳

王克息獲三矢焉伯芬竊其二盡於是矣鼓而進之

遂滅若敖氏初若敖娶於邲注邲國名音義

邲本又作鄆音

云

疏正義曰此是彊軍人之心耳息有此矢矢當有

法不得無人學作唯二而已且射中王車由射

之工不由矢善若其由矢王國猶有一矢何不一發以取越椒

生鬬伯比若敖卒從

其母畜於邲注畜養也音義

畜許六反

淫於邲子之女生

子文焉邲夫人使棄諸夢中注夢澤名江夏安陸縣

城東南有雲夢城音義

夢音蒙又亡貢反

虎乳之邲子田見

之懼而歸夫人以告注告女私通所生音義

乳如主反遂

使收之楚人謂乳穀謂虎於菟故命之曰鬬穀於菟

以其女妻伯比注伯比所淫者音義

穀如口反於音鳥菟音徒妻七

計反實為令尹子文注鬬氏始自子文為令尹其孫箴

尹克黃注箴尹官名克黃子揚之子音義

箴之金反

使於

齊還及宋聞亂其人曰不可以入矣箴尹曰棄君之

命獨誰受之君天也天可逃乎遂歸復命而自拘於

司敗王思子文之治楚國也曰子文無後何以勸善

使復其所改命曰生注易其名也音義

使於所吏反拘音俱疏

正義曰言越椒之亂合誅絕其族今更存立故命曰生言應死而重生

○冬楚子伐鄭

鄭未服也注前年楚侵鄭不獲成故曰未服

春秋左傳注疏卷二十一

春秋左傳注疏卷二十一考證

傳遂以夫人婦姜至自齊尊夫人也○趙汭補注曰此魯史成法成十四年僑如襄二十七年叔孫豹皆同臣召南按逆女既書公子遂此文蒙上自應單稱其名公羊謂一事而再見是也

傳晉人討不用命者放胥甲父于衛疏穿見晉君之壻或本罪輕於胥甲○臣浩按疏說甚迂不討趙穿而

以胥甲蔽罪此趙盾之專擅行私也桃園之幾已伏

於此矣穿見晉君之壻見疑應作是

傳會于平州以定公位○趙汭補注曰篡立者請會于大國以免于討且假外援以臨制其民人杜注所云當時事情然也

晉趙盾弑其君夷臯疏以示良史之意○臣召南按三

傳俱言弑君者趙穿其實盾為主使故亡不越竟俟其事也反不討賊德其私也盾自為司馬昭而以穿為成濟此董狐所以直書而孔子因之以為萬世賊

臣之戒如曰盾實無罪以良史之深文遂成鐵案有是理哉靈公不君或趙氏粉飾以欺後人未可定也况君即不君臣可因以不臣乎哉

傳今日之事我為政與入鄭師故敗○與本或作輿謂御輿以入鄭師也定本從與

傳于思于思注多鬚之貌○鬚監本誤作鬢今改正

傳華元曰去之夫○林堯叟曰言此役夫

臣照

按坊本

以去之斷句夫字作扶音連下讀作夫其口眾我寡

亦得即以夫字斷句作語辭亦得若林氏謂夫指役夫則于文義難通

傳惜也越竟乃免○劉敞曰哀八年公山不狃曰君子違不遘仇國未臣而有伐之奔命焉死之可也安在越竟乃君臣之義絕乎吾以謂此非孔子之言葉夢得曰使與乎弑雖在四海之外無所逃使不與聞雖在朝如晏子誰能責之趙汭補注曰孔子曰以下乃趙盾子孫託聖人之言為其祖分惡耳

傳宣子使趙穿逆公子黑臀于周而立之。○趙汙補注
曰於此見盾與穿同志逆新君不使他人而使穿欲
免穿於討也

又疏其母夢神規其臀以墨。○墨監本訛作黑今改
正

傳晉於是有公族餘子公行。○臣召南按順文以觀晉

於是始收公族實則多設數官凡卿之嫡子庶子無
不用為大夫世卿之強遂至根深蒂固而公族日替

矣

公伐莒取向注東海承縣東南有向城○

臣名南

按承

縣當作承音如承

傳書曰鄭公子歸生弑其君夷權不足也○萬斯大曰
前年大棘之戰歸生敗宋而獲華元威權已震至是
靈公立方九月君臣之際必多不相能歸生已陰懷
異志適子公有嘗竈之隙遂假手焉不然豈其身執
國柄不能除一亂臣反懼譖而從之乎

臣照

按歸生

位在宋上使以宋逆謀告靈公而誅之易於反掌安
得言權不足凡左氏所引君子論斷皆云當時之君
子其言然昭世風之澆也

春秋左傳注疏卷二十一考證

謹按卷二十第六頁後八行注以禮自防閑刊本
監本毛本並脫自字傳乃助之施諸本乃字訛
作夫人二字並據宋本增改

第七頁後八行傳盡以其寶賜左右而使行諸本
而訛以據宋本改

第九頁前六行疏而為三恪之客諸本客訛官據
宋本改

第二十二頁後二行疏不知與誰為一諸本一訛

可據宋本改

第二十三頁後一行注即主地之官諸本主訛土
據宋本改

第二十五頁前二行疏服虔曰諸本曰訛用據宋
本改


卷二十一第十二頁後一行疏劉欣期交州記諸
本欣訛歆據宋本改

第十七頁前八行疏襄三十年諸本訛作十三年

據宋本改

第二十六頁後八行注例在桓二年諸本二訛三
據宋本改

第三十二頁前二行疏其形圓如碓頭諸本碓訛
確據宋本改



覆校官編修臣張秉愚

校對官修撰臣張書勲

謄錄監生臣徐士俊

謄錄監生臣張虎文